De ephemera Britannica. Liber unus, summa cura recognitus / [John Caius].

Contributors

Caius, John, 1510-1573

Publication/Creation

Londini: Impensis Gul. & Joh. Innys, 1721.

Persistent URL

https://wellcomecollection.org/works/vp8zv2uh

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.




Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org



16492 | 8

W. Curtais

29529 63.13.28 parfall"



JOHANNIS CAII BRITANNI

DE

Ephemera Britannica

LIBER UNUS,

Summâ Curâ Recognitus.



LONDINI:

Impensis Gul. & Joh. Innys in Area Occidentali D. Pauli, MDCCXXI.





Reverendissimo in Christo Patri,

Illustrissimo Domino,
D. Antonio Perenoto,
ATRABATENSI EPISCOPO,
Cæsareæ Majestati à sanctiori Consilio,

Et ejusdem scrinii Magistro,
JOHANNES CAIUS S. D.



Apienter scriptum est à Posedippo, Presul reverendissime, à tò spécit undéwole, à tò daven autina tixtopluor boc est, aut

non nasci omnino, aut natum quàm mox interire. Id, ut etiam nos censeamus, ratio humanæ vitæ postulat. B Quantis

Quantis enim malis referta ea sit, quibus casibus exposita, quam omnibus fortunæ telis objecta, & quot morbis obnoxia, quotidianus usus docet. Etenim ut à vitæ nostræ primordiis ordiamur, quis non videt naturam primum nascentium hominum fletum & vagitum esse voluisse? Omnes his principiis edimur, his omnis insequentium annorum ordo consentit. Si enim respicere velis quantum à tergo malorum, quantum rerum tristium immineat, larga certe miseriei & assidua materia est. Nam bunc incendia consumunt, illum cædes sustulit, alium unda absorbet, alium ex alto tegula enecat, tempestas alium conficit, alium debiscens terra devorat, alium serpens, alium præceps casus exanimat. Alium ad quotidianum opus laboriosa egestas vocat, alium ambitio nunquam quieta solicitat; alius divitias (fortunæ ludibria) quas optaverat, metuit, & voto laborat suo, ut rectè scripsit Seneca. Istum solicitudos

citudo, illum simultas turbat; alium labor in affluentia rerum torquet, alium ad ostium aut in via obsidens turba molestat. Hunc brumalibus diebus frigus, illum astivalibus calor urget; sitis alium, alium fames premit. Hic timet, ille invidet; illum stultus amor vexat, bunc edax odium emaciat. Hic habere se dolet liberos & uxorem, bic perdidisse. Istum irrita fallacis fortunæ spes inquietat, illum cui uberioris rei expectatio nulla erat, onere fortuna gravat. Eadem hunc attollit, bunc deprimit, & de rebus brevi relinguendis, deque lana sæpè caprinà, tanquam pro aris atque focis, bic pugnat, bic litigat, ut in vità sapius aut de Beóxo, aut de Noyo cogitandum, uti sapiens Diogenes solebat dicere. Itaque ratio nobis in rebus humanis ni finem miseriarum fecerit, fortuna non faciet, & vita nobis antè deerit, quam causa dolendi: tantæ hominum cura, tantum est in rebus inane. Eam ob rem ita fælicissimus quisque habe-B 2 tur,

tur, ut quam minimis quamque paucissimis bujus vitæ incommodis urgetur: pulchro sanè fælicitatis genere. Ea tamen sors nostra est, ea infælix conditio, ea iniqua fælicitas, ut citiùs de vità decedas, quam ista declines. Imò cùm multum diuque hujus vitæ procellis susque déque jactatus fueris, multis periculis defunctus, tum cum suavissime quod vitæ superest agendum speres, subeunt morbi, tristifq; senectus; tandemque mortem obire, dissoluto naturæ vinculo, cogeris: egregium scilicet auctoramentum vita. Certa tamen natura ratio hac est, nec fallit unquam. Etenim ita comparatum est, ut commorandi natura diversorium nobis non habitandi dedit. Quòd enim constitutionis nostræ elementa corrumpi facile possunt, & eorum nexus levi quavis occasione dissolvi solet, exiguum nobis vita curriculum natura circumscripsit. Quare superanda omnis fortuna ferendo est, E contra brevis vita mortalitatem nitendum

tendum virtute, literis, & rectè fa-Etis. (Nam virtus post funera vivit, & famam extendere factis, hoc virtutis opus) dandaque opera, ut cum corpus mortale & caducum sit, mens immortalis atque stabilis esse possit; utque apud posteros bonesta vita memoriam relinguamus, quæ perpetud vivat. His enim modis inveniuntur rationes, quibus ista vitæ impedimenta aut amputemus aut elevemus. Quæ res suasit ut in illis rerum angustiis quibus premebantur nostri, cum Ephemera seu Sudor Britannicus affligeret, aliquas rationes excogitarem, quibus æger aut expediretur, aut si expediri malo omninò non posset, solaretur tamen. Eas literis mandavi, atque in publicum communeque commodum sub illustri illo tuæ Reverentiæ nomine contuli: quem etsi de facie non novi, de illustri tamen nomine, de gravitate & prudentià, de comitate & literis, functionisque tuæ munere atque dexteritate, cateraque virtute velmaxi-

B 3

mè novi, quæ potissima cognoscendi ratio est. Nam cum homo duabus constet partibus, corpore & animo, maxime qualis homo sit, & quod bomo sit, ex mente pervidetur. Nam si ex lineamentis figurâque corporis homo aut censeretur, aut astimaretur, eâdem operâ & statua bomo esse censeri poterit. Proinde sapienter fecerunt illi Philosophi, qui, ut an homo quis esset cognoscerent, loqui jusserunt, quo mentis non corporis indicio hominem intelligant. Ut autem boc ad te opusculum darem, & virtutum tuarum laudes, & ut per te mali sui cum nostro communis (Sudorem dico Britannicum) tui Belga, cateraque natio Germanica solamen sentiant, in causa fuere. Tuum erit, (amplissime vir) quòd virtutes tuas ornandi studio, tuo sque cum nostris levandi desiderio datum sit, ea gratia suscipere, quam te virtutes tuæ docent, & carus amor erga tuos jubet. Bene vale. Londini, pridie Idus Januarii, anno 1555.



JOHANNIS CAII BRITANNI

DE

Ephemera Britannica

LIBER.

ISERTUS conditionis Britannicæ, atque amicorum rogatione incitatus, scripsi libellum superioribus diebus de pestilenti Ephemerâ jam tum populariter grassante, quam nostri homines Sudorem vocant. In eo pleniùs executus

cutus sum oratione ad popularem senfum accommodata, primo quæ ad mali originem, causas, & symptomata pertinent: Cur privatim toties insulam Britanniam plus qu'am cæteras regiones impetat : tum ut secunda adhuc valetudine per gravia hæc tempora agendum tutò sit: Postremò, quibus modis avertendum malum, & quibus rationibus, peculiariter Britannis, infestante jam morbo, medendum sit. Idipsum, exacto jam mense uno postquam malum cœpit, in omnium gratiam facturo mihi, eundem tractandi ordinem sequendum quidem, sed alia via insistendum est, quanto major ratio doctorum quam rudium, omnium quam paucorum, esse jure debeat. Quare dicam primò quæ morbi sævitia sit, quis ortus, quod nomen & natura, quæ signa atque causæ, quæ convenientia & cognatio cum nostris: Dein, quemadmodum se quisque à morbi contagione defendat : Ad extremum, ut se quis expediat, si morbus occupat. Principium tractationis capiam

capiam à populari grassatione, sævitiaque mali.

Ad decimum septimum calendas Maias anni quinquagesimi primi supra millesimum & quingentesimum à Christo nato, cùm jam in alta pace omnia & tranquilla essent, nec ullis perturbata molestiis, subita & insueta nostris hominibus ægritudo, Salopiæ (clari munitique ad Sabrinam flumen oppidi) irrepsit, cujus & nomen & natura, primo suo ortu multos fefellerunt. Sed hi postea malo docti, & veteris injuriæ memores, Sudorem, quem Britannicum dicunt, esse tandem intellexerunt. Is tam inclementer populum habebat, ut prope dicam omnes per ea loca & vicina illis prosterneret. Quosdam enim in viâ, cùm iter facerent, sustulit; quosdam domi ostia & fenestras reserando interemit; quosdam per lusum atque jocos parum joculariter jugulavit; per jejunia quosdam, quosdam per saturitatem abripuit; in somno aliquos, nonnullos vigiles interfecit:

fecit: Usque adeò, ut ex multis ejusdem familiæ, pauci à febre incolumes perstiterint: ex paucis, nulli plerunque intacti evaserint. Ex his alios brevi momento, alios unius, duarum aut trium, alios quatuor, aut co ampliùs, horarum spatio, postquam sudare coeperant, de vita sustulit. Sæpissime qui in prandio hilares erant, sub coenam mortui fuerunt. Sed nemo qui devicto malo superfuerat, ante horas viginti quatuor quam citissime mali molestia & periculo liberatum se gloriari potuit. Iraque ex talibus initiis indies ingravescentibus, ubi acerbiora incrementa, longiùs latiusque se fundente malo, subfecuta funt, vix credas quis pavor, quantus metus omnes Britannos invasit; præsertim cum ejus conditionis miserandæ, quæ tum urgebat, contemplatio funestaque mortis imago, nulli spem vitæ (cujus usura omnibus solet esse carisfima) non ademerit. Neque enim mor, bo ulla clementia fuit, nec ullum miseris mortalibus securum resugium. Etenim

nim nusquam non populabatur, nusquam non sæviebat malum. Alios qui fe vivos ab hominibus relegârunt, eofdem mortuos in publicum revocavit. Alios conclusos ac penè abditos, contagione enectos in apertum reduxit. Neque sensere id malum fœminæ aut servitia, plebesque humilis aut media solum, sed proceres etiam, cum notum sit æquo pede nobiliumque turres humiliumque casas id pulsasse, iniquis tamen modis, ut dicemus postea. In eo hic conquerebatur se siti premi, ille ardoribus confumi, omnes sudore confici. Hunc rursum amentia cœpit, hunc gravis sopor oppressit, hunc inquietudo exagitavit. Hic moribundus ingemuit, ille animam expiravit. Et qui valebat dudum, jam febrescebat, versâque vice, qui antè morbo laborabat, nunc alterius sanitatem procurabat. In summâ, ita nulli ferè hominum pepercit, ita in orbem crudele malum rediit, ut qui alios operà officioque juvissent priùs, cos vicissim ab illis subfidium

sidium officiumque mutuum petere: & contrà, qui ab aliis essent adjuti, eos fine quiete, magna fatigatione operam mutuam præbere, inque vices gravi periculo colla sub jugum mittere cogeret. Jam verò de fuga (quæ alias in pestiferis morbis solet esse præsidio) cogitare, aut in alium locum commigrare, inane & supervacuum plane fuit. Nusquam enim tutus portus nostris, nulla ex mutato loco securitas erat,. quòd nulla malo oberranti omnia requies esset. Alii tamen, relictà urbe, in agros profugerunt; alii contrà, ab agris ad urbes convolârunt; alii rursum recessus atque solitudines salutis causa quærebant; alii domo nunquam prorepebant. Sed cum parum id respondit, quod tanto studio sequebantur; aliis alia diverticula quærere, & alieno loco atque cœlo per interposita maria & longè semota loca se conservare tutifsimum visum est. Hinc magna properatione quidam ad Belgas, quidam ad Gallos transfretarunt; ad Hibernos alii,

alii, alii ad Scotos se receperunt. At id quoque cum minus ex sententia cecidit, compertumque est laboriosius multò quàm ad salutem commodius esse, divinam opem & confilium domi cuique suæ expectare, omnibus certum atque constitutum suit. Itaque malo victi, atque omni spe vitæ destituti, decubuere miseri, eodemque sæpe lecto vivus alter, alter mortuus, miserabili conditione jacuere. Quod in suis non ferentes mulieres (infirmus sexus sed indulgens) nullà habità ædium curà, neglecto corporis cultu, fine mente discurrebant (ut in tantà animi perturbatione atque metu solet sieri) crebro suspirio, multo ejulatu, & largo lacrymarum fonte omnia complebant; nil nisi mortes loquebantur, quis perfugio locus, quid faciundum percontantes. Supremum diem ratæ jam adesse, tendebant ad sydera palmas, passisque manibus divinum numen & auxilium in genua procumbentes invocabant, & in suos intuentes, quæque alterius fidem

opemque implorabat. Solicita his cura, ingens labor, summa lassitudo; vix tamen omnes sufficiebant ægrotantium ministerio. Viri morbo intenti, nullam rerum suarum rationem habere, vitæ immemores, de morte cogitare. Etenim cum magna ex parte omnes, tum acerbissimè viri malum sensêre. Quapropter operas negligebant omnes, commercia intermittebant, funebria negotia curabant. Quoquo te vertifses, cadaver conspexisses. Continuus undique nolarum ænearum pulfus, confusus sonus erat. Is omnia loca occupabat, omnem urbem cæterumque vicinum agrum longè latéque adeò perfonabat atque omnia complebat, adeò sensum turbabat, ut & caput malè afficeret, & proximè alloquentem auris non sentiret. Sed quis concentus funebris, quis ploratus pompæ fuit, quam acerba omnia, vix certè queo dicere: Nihil enim difficilius, quam magno dolori paria verba reperire. Ubique lugubris erat lamentatio, fletus moerens, acerbus acerbus luctus. Erat in luctu senatus, squalebat civitas, dolebat nobilis, mœrebat rusticus, tristis aspectus funerum, dolentium mœrorem exagitabat. Deflebat natum parens, parentem filius, uxor maritum, maritus conjugem, affinis affinem, amicus amicum, miserandis planè modis. Nec ulla mali mortisve grassantis (impari tamen sævitià) finis erat, ante expletos menses quinque & eo ampliùs. Cœpit enim morbus ille Salopiæ (ut dixi) Aprili mense medio, nec in extremis Angliæ partibus, quæ ad septentrionem spectant, nisi Septembri ultimo, postquam omnem regionem percensuisset, finitus est. Quo temporis spatio quot in Anglià periere, vix, credo, dici potest. Hoc constat, quod dolens refero, una civitate pauculis diebus plùs minùs fexaginta supra nongentos crudeli morbo intercidisse. His modis atque rationibus (ne longum faciam, neve retractando nostrum dolorem refricem, quis enim tantis miseriis non poterit commoveri?) moveri?) admirabilis illa, & multis planè nova rerum facies, at omnibus formidabilis, omnium animos dejecit, fpem prostravit, omnibus præsentis metum mortis constanter incussit, non aliter ac si de cœlo terribilis tactu fulminis, inevitabilis jactu teli trisulci metuendi Jovis jam jam ad unum omnes essenti intermorituri: tanta morbi inclementia erat.

Ipse, dum hæc tragædia agebatur, præsens spectator interfui, non sine meo gravi sanè dolore. Quippe humanum est humanis casibus ingemiscere, multoque magis misericordiam provocant, quæ oculis usurpamus. Quocirca omnia diligenter observare, singula expendere curiosiùs constitutum mihi fuit, ut ita demum majorum nostrorum more ad novos casus temporum, novorum confiliorum rationes accommodare, præsidiis salutaribus afflictis rebus succurrere fœliciùs commodiusque liceret. Ita enim me posse aliquid præstare non dubitabam, cùm non

non leve studiorum momentum deprehenderim observationem, cum ratione indagationem, tempus & periclitationem. Id quod indicant inter cætera quarundam herbarum reconditæ utilitates, quæ ratione, longinqui temporis usu, ac periclitatione percipiuntur. Neque certé hac de re communis vita dubitat, quandoquidem omnia curæ diligentiæque mortalium respondent. At id dum facerem, primum fuit ex causis atque fignis non oscitanter æstimatis, novisse morbum. Dein rationem inire quamobrem ista evenirent, & ea nostris potissimum: atque an alios vis morbi consumpsit, alios negligentia, casus, intemperantia aut imperitia sustulit. Ad id, cum præceps populareque malum esset, an non nisi ex contagione oriri potuisset investigare. Ex quibus non magno negotio innotesceret, quemadmodum istis omnibus occurrere medicamento conveniret. Cum præceps igitur fervor circa cor, sudorque insequens, sed non excedens horas vigintiquatuor, cætecæteræque notæ, quas mox aperiam cum de signis egero, mali indicium fecerant, non erat difficile comprehendere febrem id esse, ex contagione pestilentem, unius diei naturalis. Neque enim morbus iste sudor tantum est, ut vulgus putat, sed febris, sed affectus spirituum, qui ratione aëris venenato quodam vapore infecti, dissoluta mistione corrumpuntur, atque in nobis calorem præter naturam accendunt, dimicantibus unà & acriter de victorià concertantibus veneno & naturâ, utì paulò post non dubiis rationibus declarabo. Hanc, non aliter atque alias febres, propter graves labores & vehementes calores sudor largus, uti symptoma, sequitur. Quemadmodum enim qui opus externum obnixè faciunt, toto corpore sudant, ita qui internis morbis graviter laborant, copiosos sudores sentiunt: Iis natura, tanquam apto educendi virus instrumento, utitur. Quod valens robustaque ubi confecuta fuerit, vicit, salvaque res est. Sin præ impotentiâ

tentià id minus poterit, languescunt spiritus, succumbit æger, deficit anima. Nam sudor hic sponte profluens, atque ad plenum summumque perductus, salutaris est. Idem cohibitus, aut infrà quam par est diminutus, vel letalis est, vel certè cum periculo junctus. Id nostris Britannis non semel re compertum est. His enim morbus hic ut adventitius non est, ita novus non est. Siquidem ex historiis Britannicis intelligo, malum hoc ex Britannia ortum esse (quantum scire licet) in exercitu Henrici Regis Angliæ ejus nominis septimi, quem partim ex Gallia tum nuper secum adduxerat, partim in Wallia propter Milfordiam, quo classe appulit, conscripferat: exercuisseque nostros per anteacta tempora, afflixisseque eo quo dixi modo per intervalla quinquies: anno scilicet 1485. primò ab Augusto mense inito, ad Octobrem ultimum. Iterum 1506. æstivo tempore. Tertiò, 1517. à Julio mense, ad Decembrem medium. Quarto, 1528. per C 2 omnem

omnem æstatem. Quintò denique, anno hoc quinquagesimo & altero supra sesquimillesimum, ad menses quinque & eò ampliùs, utì paulò antè diximus, regnantibus per ea tempora Henrico septimo, Henrico octavo, & Edvardo ejus nominis sexto, Anglorum Regibus. Ex quibus intervallis id obiter scire licet, hunc morbum non ejus esse generis quod nobilis auctor Hippocrates Thixwe sov feu ενδημον nominat, fed Thiδημον potiùs, etsi certis locis atque nationibus, ex ipso loci situ gravis & pestiferi, molestior & frequentior esse consuevit. Nam Thidnpor ad certum tempus pervadit regionem aliquam: θπιχώριον, contrà, nullo non tempore fuas comitatur incolas. Exempla fubjiciam, Scytharum néduala seu pudendorum dolores, infulæque Hispaniæ (unde lignum Guaïacum apportatur) Syphilis, Judæorum & Ægyptiorum Elephantiasis, & in Attide tentati gressus, oculique in Achæis finibus, ut cum Lucretio loquar, epichorii morbi funt. Æquè

Æquè & Stiriorum, Italorumque ejus Italiæ tractus, quo Brixia, Crema, Bergamum, & Ollium flumen funt (Orobii olim & Cœnomani dicebantur) turgentia guttura: quos patrià linguà Goffos vocant. Hæc ut hominibus tantum ac suibus accidunt, aquarum quæ potantur plerunque vitio, ita spongiarum recentium, ubi furno siccatæ sunt, pulvere ex aceto medetur vulgus Italorum, decrescente jam luna & senescente, ore prius aliquantulum retento, postea poto. Sed de morbi genere utcunque sentias, illud optarem, hujus Ephemeræ non folum ortum (quod quidam conjiciunt, cujus rei tamen fidem ad auctores relego, potius quam meam astringo) sed moram atque interitum etiam apud Græcos Trojano, aut Cantabros Cantabrico, aut Turcas Rhodiensi bello extitisse potius, quam ut tantis damnis atque incommodis, quibus solet molestus esse, nostros idem afficeret, atque originis suæ gloriam (quæ video quam fit exigua) ad An-

-BINGS

glos referrer. Ita siquidem nec nostros, nec propinquos nobis Belgas (maximè Ambuaritos sive Brabantinos) nec remotos Germanos fatigasset. Sed in hos æquior fuit, ut quos semel tantum, etsi ex reliquis gentibus atq; nationibus solos, malè affecit, idque anno 1529. Septembri mense, ut ex illorum Historicis comprehendo. Ad hunc modum, quod ad naturam, ortum, atque moram mali spectat cognito atque explicato, alienum non fuerit, si, ut antè instituimus, à naturâ rei febrem nomines, ex infulà atque natione Britannicam, ex contagione pestilentem, ex spatio diariam. Hæc, aliaque, quæ mox commemorabo, ni obstarent, Tuφωθες, illud aut ελωθες febris genus hanc esse putares non ineptè, ex fumoso sudantium vapore, ut ex palude solet, & repentina effluentis humoris copia. Sed cùm hæc nostra unius diei, illa plurium sit (ut est etiam ideadns Hippocratis wogens) hæc sudoribus tollitur, illa leniter aut nulla ex parte sudore minuitur, hæc contacontagione, illa non ita concipitur, crederes etiam sine offensa, nec τυφώδην esse febrem hanc, nec ελωδήν. Ad hæc quos ista invasit, istis modis torsit. Primo insultu aliis cervices aut scapulas, aliis crus aut brachium occupavit. Aliis sensus erat veluti spiritus aut flatus calidi per membra ea discurrentis. Unà cum his subitus, & sine manifestà causa huic morbo insuetis, largus sudor manavit. Interiora calebant primò, postea ardebant, calore jam inde ad extimas corporis partes diffuso. Sitis ingens, jactatio inquieta. Cor, jecur, atque stomachum malè morbus habuit. Hæc omnia subsecutus est gravis dolor capitis, vanum loquaxque delirium, post marcor, & inexpugnabilis penè dormiendi necessitas. Habet enim morbus quoddam acrius ex aëre noxio virus, quod mentem & furore movet, & fopore opprimit; ea vis malo est.

Rursum, aliis principio cohibitus sudor est, frigebant membra leviter: at postea erupit idem promotus, sed odo-

C 4

peration

re gravis, colore in alio alius pro humoris ratione, quantitate subinde diminutus, subinde copiosus, substantia crassus. Aliis nausea, aliis vomitus erat, sed perpaucis, & penè solis ex cibo faturis. Omnes spiritum gravem ac frequentem, vocem gemibundam expedivere Urina colore tincta leviter, confistentia crassior, levamento ambigua, (nulla enim erat naturæ regula) propter veneni impetum) cætera pro naturali. Pulsus, si quis prætentet, concitation, frequention. Hæc certa morbi indicia erant. Quamobrem quibus five his notis, five mitioribus, five asperioribus prosluxit sudor (prosluxit autem plurimis) id evenisse censeo non ratione morbi, sed ætatis, vestium, metûs, vini, cibi, affectûs animi, exercitii, temporis, (etenim vigebat maxime sub ardente syrio, ardoribus jam omnia obsidentibus) aut certe ratione disserentis vel levis caufæ. Nam quibus remissior fuerat aëris pestis, & ex corpore minor occasio, ipsa quoque temperation

peratior noxa erat, & nihil amplius quam corpus levi calore sudoreque blando tentabat.

Postquam ita explicaverim insatiabilem morbi crudelitatem, contagionem, originem, nomen, naturam, & affectionem, sequitur investigem, principio cur diarius hic morbus sit: Dein ex quibus causis sit prognatus: Tertiò, cur Britannis penè solis tantopere sit infestus. Primi rationem monstrat veneni natura & analogia. Secundi, loci situs & coeli ratio. Tertii, ingenium incolarum & convenientia virûs. Etenim vis illius venenatæ, quæ ex putredine inficit, & contagiosa dicitur, duo sunt genera: alterum subtilius atque acrius, alterum crassius atque lenius, pro natura rei putrescentis. Quum enim ab externo calore humidum rei putrescentis, dissolutà jam mistione, attenuatur atq; in spiritum vertitur, ut plus minusve calida res ea est, tenuis aut crassa, ita vis cantagiosa spiritu propagata & vapore, qualitate respondet. Ad excipienda

enda hæc, duo etiam tanquam certæ fedes sunt, humores & spiritus. Spiritus voco, vapores quosdam sanguinis puros, lucidos, subtiles, aëreos, calidos, & humidos. Primum 'genus ratione fuæ analogiæ vitiosos spiritus magis respicit: alterum cum impuris humoribus potius convenit. Quamobrem hoc pestem creat, illud Ephemeram hanc, cum cætera secunda respondeant, facit. Porrò humores lignis humidis fimiles, diu ignem in peste ad dies quatuor, septem, novem, undecim, & quatuordecim sub. inde retinent. Spiritus stuppæ & stramento similes, flammam acceptam præ alimenti inopià, in hac Ephemerà codem die deponunt. Exemplo est Galeni Ephemera ad Glauconem Philosophum, quæ quod ex spiritibus nata est, eodem die cœpta finitaque est. Ad rei etiam fidem accedunt, quòd subitò concipiebatur contagio, quòd anhelitu (emissi enim anhelitus & reducti, modò efflant impurum aëra modò revocant) quòd multos una corripuit, quòd citò penecuga

penetravit, quòd penitùs descendit atq; ad intima pervasit, quòd abcessum non fecit, quod paucis horis interemit. Hæc omnia & aërem & subtilem suisse contagionem, atque ad spiritus analogiam habuisse indicant, ut non addam morbi assectiones, quæ ea potissimùm loca infestabant, quæ spiritibus creandis sedes deputatæsunt: ut cor, jecur, atque cerebrum, quòd his tanquam jugibus sontibus, quàm aliis partibus uberior erat ad contagionem excipiendam materia. Quibus stomachus accessit, & ob hanc causam & ob consensum malè assectus.

Ita dixi cur diarius hic morbus sit. Jam ex quibus causis agentibus pronascatur, consequenter sum dicturus. Sed cum causas contagionum a gonas agrinais, natura rerum distinguunt, non erit alienum eas primum in genera dividere, tum universitate sua ita explicare atque exemplis commonstrare, ut operosum non suerit ad privatas causas sine ossentia, cum opus sit, descendere. Dividuntur

duntur autem in tria genera: Omnis enim incidens contagio aut est ratione temporis præter naturam constituti, aut naturâ loci malè affecti, aut iis quæ loco accidunt. Ratione temporis præter naturam constituti, ut si ver frigidum & ficcum, æstas calida & humida (aptissimum tempus sudoribus ex febre, utì censuit ille medicinæ pater Hippocrates) autumnus calidus & humidus, hyems calida & ficca fit. His accedunt commercia spiritalia, inclinatioque ex astris, quæ in rebus humanis multum possunt, ut & hi qui syderum sequuntur disciplinam contendunt, & Galenus illo suo libro, quem sei & Ιπποκράτες διαίτης θπί τ όξεων νοσημάτων inscripsit, inter cætera luculentissimè docet. Natura loci malè affecti, vel quòd frequentes & graves expirat nebulas, impurosque reddit vapores, vel quòd corruptos exhalat spiritus. A spiritibus enim corruptis è terrà eductis halitu, aërem aliquando infici, vel ex eâ peste exitiosa scire licet, quæ, cùm Troja

Troja obsideretur, primum canes, dein mulos, ultimò Græcos ipsos malè affecit. Sed hi foli sublati sunt. Vi erumpunt spiritus terræ motibus violenter impulsi, solo inclusi, & morâ corrupti, quamobrem etiam hos aërem inficere est necessum. Quod ex Venetis discere est, quos nefaria pestis ex terræ motu afflixit anno primo Andreæ Danduli Ducis Veneti. Erat ille motus ad octavum Calendas Februarii, anno falutis nostræ 1343. horâ diei 20. Continuant enim Itali, maximè Veneti atque Patavini, horarum suarum supputationem ad numerum quartum & vicefimum. Nec diversà ratione inficit aër ille inclusus & corruptus, qui è subterraneis frumenti repositoriis, ex longo temporis intervallo referatis emigrat, non fine peste & calamitate reserantium, nisi id cauté agant, uti & ii qui ea loca habitant testantur, & re ipsa jam sæpius comprobatum est. Hoc genus alia, Italiam peragranti mihi ostenderunt Pisauri, charissimi amici Eufebius

febius & Antonius Gradarius, fratres, Pisaurenses, alter medicinæ, alter juris doctiffimus: alia, in veteri Româ Gasparus Hoierus Germanus, jurisconsultus Romæ non vulgaris. Huc referri potest causa pestilentiæ ortæ primum in Seleucia Babyloniæ, deinde in Græciam, tandem Romam usque ventis promotæ. Nam ad aërem arcâ Avidii Cafsii aurea inclusum, operaque militum M. Antonini, qui cupiditate lucelli arcam priùs ab Ægyptiis conclusam recluferunt, erumpentem, Ammianus Marcellinus causam refert. Atque hæc quidem ex spiritibus vi solis exhalantibus libertate donatis, & vi erumpentibus, contagio est. Jam venio ad contagionem ex vaporibus: Hi duplices funt, tenues & crassi. Tenues voco, qui è profundis locis & penitioribus terræ sinubus ducente quodam spiritu promanant, ut sunt qui ex Averno Campaniæ, & Soracte aves transvolantes enecant; aut Barathris Charoneis, Arcadicis, aliisque profundis specubus, qui circa

circa Sardeis funt & Hierapolin. Ut sunt præterea Puteolani specus halitus, qui & canes objectos interficiunt, & hominibus mortiferi sunt, non aliter atque ex Sinuessano agro letalia spiraracula. Æquè & in multis aliis orbis locis atque regionibus, è depressis puteis sulphurantia, aut aluminosa occurrentia, putearios necant. Idem fit ex antiquis metallis olim destitutis, si altiùs descenderint, & solum vel naturâ vitiosum fuerit, vel corruptum per injuriam. In quosdam specus, qui despexere, moriuntur. Sunt apud nos in partibus Britanniæ Septentrionalibus fodinæ quædam carbonariæ, quarum infalubris spiritus atque vapor conductis operis tam gravis est, ut eas nulla morâ interficeret, nisi ex indicio ardentis lucernæ (cujus flamma tum antè paulò & livescit & consumitur, quam is adventat) se statim subducerent. Sunt autem fodinæ illæ bituminofæ. Indicio est lapis quidam niger, durus, squamosus, & bituminosus, quem ad ignis Eum Plinius obsidianum, nostri carbonem ex mari, ex Novocastro, & fabrarium vocant, ab usu, loco, & vecturâ, quòd ad cæreras Angliæ partes in navi vehitur, & fabris ferrariis ad ferrum molliendum, singendaque ferramenta accommodatior sit, & locis Novocastro (celebri Angliæ urbi) vicinis effoditur.

caligines vocare folemus, fœtore graves. Eæ, ut apud nos frequentes funt, ita hujus febris diariæ & pestiferæ habitæ causa fuere, utì paulò pòst dicemus. Neque mirum est has è solo eductas, soli referre vitia, cùm nulla res sit quæ non ejus à quo nascitur notas reddit. Pabuli sapor apparet in lacte, & vini vis existit in aceto, in melle quoque sensus herbæ est. Post naturam loci, ultimo in loco sequuntur ea quæ loco accidunt. Ea sunt quæ aut sublimè aut humi, in summa terra aut non ita altè recondita putrescunt.

Inde enim virosus sœdusque odor oritur, aërque inficitur. Exemplo sunt Æthiopes qui Atheniensi bello susi projectique sunt: & locustæ, primo quæ oris maritimis Africæ mortuæ funt, ex quorum gravi contagione interfecti sunt non homines solum, sed pecudes atque aves etiam, anno ante Christi adventum 123. anno 4. Olymp. 163. M. Plancio Isao, & M. Fulvo Flacco Coss. Tum, quæ ventis ex Gallia (quam ante per æstatem vastaverant) delatæ, & in itinere maris undis summersæ, crebro sluctu æstuque in littora Britannica jaca funt, non sine dirâ fame & gravi peste Britannorum, quo tempore regebat Anglos Ethelredus Rex, & Roma præsidebat Nicolaus primus, juxta Sabellicum: Sed ex supputatione Christiani Massei, anno à Christo nato 374, & anno primo Joannis octavi, Rom. Episcopi, reguante per id tempus in Anglia Aluredo Rege. Est autem locusta, ex insectorum genere, pollicari magnitudine

dine, colore fusco, senis alis membranosis (utring; ternis hoc est;) senis item cruribus, sed posterioribus mediis longioribus, ad gubernaculorum effigiem conditis, quibus reflexis faliunt pulicum more, dentibus duobus exertis, extero magnæ cicadæ similis, nisi quòd caput ejus equinum (ni memorià fallor) imitatur. Unde Italis non temere dicuntur patria lingua ex argumento, cavalleti: apud quos anno 1542, (fibene memini) infinitum vastumque agmen vidi transvolare civitatem Patavinam. Saltat humi crurum posteriorum reflexâ (ut dixi) longitudine, volat sublime alarum confidentia. Æque & post diluvia in summâ terrà putrefactio est. Id monstrat gravissima pestis illa maritimis Achaiæ, Libyæ, & Romæ locis, ex fubitis maris inundationibus, Imperatore Gallieno: Id funesta etiam illa quæ Pelagium de vitâ fustulit, anno Pontificatûs sui undecimo. Etenim subsidentibus jam undis quas convenæ priùs aquæ fecerant, atque in finus -onit

nus suos se undiq; receptantibus, quæ priùs expatiatæ funt latiùs per universam Italiam ex cæteris ejus loci sluminibus, sed præcipuè Tiberino amne, qui eo altitudinis ascendit, ut multis in locis muris urbis Romæ par erat; omnia lutulenta, omnia corrupta conspiciebantur, pisces, quadrupedes, herbæ, frutices, & quicquid per terram humile & sparsum fuit. Ita contagio fit ex iis quæ in summâ terrâ putrescunt. Succedit quæ ex iis oritur, quæ non ita altè recondita putrescunt. Quorum exempla esse possunt humana corpora bello cæsa, cùm non nisi paulò infra supremam terræ faciem sepulta sunt. Ea & notius est contagionem aëri inferre quàm ut opus sit exemplo, & vulgatum magis quam ut ambitu longiore verborum circumduci oporteat; & iis qui Bononiæ, Galliæ, Belgicæ, anno 1545. habitabant, post annum hoc est quam ea expugnata est à Rege Britanniæ Henrico ejus nominis octavo, magno suo malo re ipsa compertum,

pertum. Hæc omnia contagionem afferre posse, usu atque ratione (ut antea comprehensum est) cognitum & compertum est, varioque modo pro naturâ & analogia virûs lædere & inficere. Itaq; ab universis ad privatas hujus mali causas jam deveniam, & ex illis istas eruam, de quibus ita censeo; esse apud nos multas soli cæcas cavernas, & occultos terræ finus; esse quoque multa loca uliginosa, quæ in humili soli regione vel accola rivus, vel circumfluum mare irrumpens, vel per cuniculos subiens fecit. Ex cavernis & finubus nonnunquam, aqua nec opinantibus fossoribus subitò erumpit, adeò nigra & fœdo odore, ut eos in fugam compellat; nonnunquam, spiritus, ut antè exemplo fodinarum carbonariarum indicavimus, ex uliginofis & resolutis locis, caligines exhalant. Nonnunquam eriam ex alio folo, si id vitiosum est, aut si aqua, quæ in eo est corrupta, in spiritus & vapores vertatur; aut si vitium, quod id concepit corruptum

corruptum per injuriam, respiret. Hæc certis annorum (quos antè dixi) siderumq; constitutionibus (permagni enim est momenti ratio atq; inclinatio temporum) certis stellarum accessionibus & propinquitatibus, magis trahuntur & commoventur. Quod dum fit, si acrius sit quod redditur, sudor hic pestifer nascitur. Quod si quando eveniar, ut pro cœli soliq; varietate causæ variaverint, per tria hæc causarum genera jam antè explicata animum ducito, & quænam ex his sit auctor mali contemplator; quâ cognitâ & inventà, quod morbi natura uniusmodi semper suis, suiq; similis est, similis erit & veneni ratio, & medendi via; observato quòd res, quæ in nobis virus excipit, & persona, aliquid sibi vendicant, ut dicemus in sequentibus. Sed dixi densas quasdam nebulas, putidas & graveolentas caligines ex agro Salopiensi, coeli soliq; ratione ortas, & ventis delatas spatio per omnem Angliam, in causa fuisse hujus Ephemeræ.

Id (si certior esse velis) ex ipsa re visu atque odoratu facilè erat discere, & ex eventu non dubie comprehendere, si quis omnia feorsum velit ad calculos revocare. Nam à primo suo ortu & fœtor gravis malum prodebat, & visus est veluti nimbus de loco in locum gubernantibus ventis se promovere, & nimbi vestigia pestem hanc secutam esse observatum est, donec spatio rarefacto nimbo, atque in circumfuso acre posità contagione, per continuas aëris partes contagionem accipientes & reddentes, nobis imprudentibus clam irrepsit morbus. His accessit, quòd virus id vires acquisivit eundo pro cujusque loci naturâ & accidentibus. Etenim multis in locis causæ particulares, quas συναίτια Græci, causas contingentes incidentesque Latini Medici vocant, propter ædificia habitata accidentes, aërem inquinando malum auxerunt. Ut funt aquæ pigræ & non fluentes, teter virosusque odor buxi, fœtentia sterquilinia, immundæ canales, fœdæ cloacæ, impuræ

mentis alvi deputatæ, putida animalium corpora projecta, putridaque legumina aut olera, culinæ excrementa, ædium fordes, scirporum putor atque canum, conclusus aër, slatus Austrinus, & id genus alia infinita. Posse autem hæc aërem vitiare & usus docet, & ex hoc scire licet, quòd Acrothon oppidum (quia remotum est ab infestis hisce slatibus, imbribus, terrenis sordibus, atque inquinamentis, ut in summo Atho positum) incolentium ætas dimidio longior propagatur quàm in cæteris terris.

Atque hæc de causis contagionis.
Venio ad tertium illud quod antè proposueram, nempe quamobrem Britannos nostros penè solos, suprà quàm alias gentes atque nationes, malum hoc tantopere satigat. Nam morbus hic ut neque omnium temporum est, neque ætatum, ita nec locorum, Etenim animadverto nec alienam regionem nos tutos sacere (ne si ad Locros, credo, atque Crotonem, loca saluberrima & nunquam

nunquam peste tentata concederemus) nec nostram advenas omnino lædere. Siquidem & apud vicinos Caletes, Morinos, cæterosque his junctos Belgas, nostros solos morbus insularis corrupit, & apud nos per ea tempora in legatione Gallos omnino non affecit. Ut hic non addam Scotos, communis infulæ ratione nobis junctos, à contactu mali immunes plane extitisse. Hujus rei causam quidam ad vinum nostrum hordeaceum, potum nobis naturalem, quod Galli cervisiam, nostri Alam & Beram vocant, referunt. Sed id ut facerent. non materia suggessit, sed error. Nam & Scoti & vicini Belgæ id genus vini bibunt, non tamen in illos contagio valebat. Imò novi quendam Italum, fed vivendi ratione & consuerudine factum Britannum, hoc morbo laborasse, qui præter puram aquam nihil per omnem vitam bibit; & quosdam etiam qui solo vino usi sunt: ut omittam οίνοπότας Germanos hoc morbo semel populatim afflictos. Quòd si nostris

nostris vinum hordeaceum in causa esset, expendamus quid hordeum, quid aqua in Alâ, quid cum his lupus salictarius in Berâ præstare possunt. Certè gravis auctor Galenus, rei medicæ scientià atque usu longè clarissimus, in libris de attenuante victus ratione, de ptisana, quarto in librum Hippocratis de ratione victús in morbis acutis commentario, ubi de zytho mentio est, & primò de facultatibus alimentorum, censet hordeum frigidum & siccum esse, & quocunque modo præparetur, frigiditatem ægrè, siccitatem nunquam deponere: alere mediocriter, refrigerare, tenuem & abstergentem succum in nobis gignere, eoque attenuare, detergere, urinam ciëre, flatum (unicum ejus vitium) coctione amittere. Has facultates & virtutes cum habeat hordeum, variis gentibus atque nationibus lapienter excogitatum est, ut addità aquâ, quâ hordeum madescat donec resolveretur in liquorem vino similem, ad potionum usus accommodaretur, quòd fitis

sitis frigidi appetitus sit. Hunc liquorem alii οίνον πρίθινον sive κα πριθέων nominant, ut Athenæus libro primo, & Herodotus secundo: alii word nei-Oivov, ut Hippocrates: alii zythum, ut Ægyptii: alii φεκάδα, ut Sethi: alii φοκάλίον, ut vulgares Græci: alii www, ut Aristoteles: alii βρυτον, ut Theophrastus, Æschylus, Sophocles: alii cervifiam, ut Galli: alii ceriam, ut Hispani. Nobis alia oive κριθίνε genera sunt, quæ quòd nulla nomina apud Græcos aut Latinos his respondeant, Alam & Beram vocitabimus, patriis quidem nominibus scio, sed an ex alica (cùm sit ex hordeo) & ceria deductis, ut nonnulli scribunt, nescio. Id mihi licere bonâ veniâ doctorum omnium spero, quâ ratione suæ cuique nationi, ut Ægypto, Galliæ, & Hispaniæ, permissa sunt sua potionum nomina & patria vocabula, ut zythi, cervisiæ, atque ceriæ, cùm tamen ex Græcis aut Latinis non funt hæc desumpta nomina, sed his accepta aliunde ex suis, quos antè dixi,

dixi, locis. Nec quisquam mihi vitio vertat, quòd mallem propria & cognata, quam usurpata & aliena: maxime cum nec sapore, nec efficientia, imò neque compositione consentiant. Nam Zythum acre est, quod dum fit rancescit putrescitque, eoq; paulum à sapore vini differt, ut Diodorus Siculus auctor est: Ala & Bera suaves sunt, quod ad hordeum attinet. Id addo, quòd Bera ex lupulo amarorem contrahit. Zythum renes & nervos tentat, cerebri membranas officit, inflationem parit, vitiofum fuccum creat, & elephantiasin (371126eiov Ægyptiorum malum) gignit : ut & curmi capitis dolorem movet, malum succum gignit, & nervis nocet: Ala & Bera non item, nisi si dixeris quod caput tentat. At id non Ala & Bera faciunt, sed immoderatio & intemperantia, citiùs tamen & potentiùs propter lupulum: & in tanto usu Alæ atque Beræ, id licet verissimè dicere, elephantiasin rarissimum esse apud nos morbum. Jam verò quemadmodum confi-

conficiatur Zythum atque curmi, jam antè paucis delibavimus; quemadmodum autem Ala atque Bera nunc dicemus, ut vel hinc constet, quemadmodum hæc inter se distent. Hordeum aquâ perfunditur, atque ad aliquot dies maceratur, donec intumescar, & altero suo fine fatiscat germinetque. Tum emissa omni aqua per cisternæ fundum, ut inutili, eximitur hordeum. Id per solum tenuiter spargitur, & bis die vertitur, ita & omnis humor elabitur, nec acervo putredo concipitur, nec mucorem hordeum contrahit; posito jam omni humore (quod paucis fit diebus) paratur concameratus fornax (bunarium dici potest, quâ ratione & analogiâ dicimus calcarium & sulphurarium, pro locis ubi calx & sulphur coquuntur) qui ignem admittit sed non reddit nisi quà recipit. Spiramenta tamen quædam undique per sua latera ita habet certis intervallis disposita, ut ad superiora calor facile possit commeare. Fornax ille ut est rotundus, ita pariete in quadratum

dratum extructo undique, & duos pedes altiori quam est fornax, cingitur. Per ejus ambitum tenduntur crates ligneæ, & super eas cilicium. Id hordeum tenuiter sparsum, quo calor per spiramenta erumpens ad fingula grana pertingat, accipit. Istis ritè peractis, in fornace focus lentus & æqualis incenditur, & donec ad plenum ficcatum fuerit hordeum, perennis alitur. Interea hordeum sæpiùs die vertitur, quò æquabiliter ficcetur. Cum ficcatum probè fuerit, durum est & gustui dulce. Tum seponitur in tabulatis ad usus necessarios, & Ætio Baun, nostris patria linguâ Maltum dicitur. Cùm usus vocat, mola teritur, & in tinam grandem mittitur, illi aqua ferventissima, quæ aliquot ante horas in cortina seorsum ebullierit, affunditur. Modus utrifque est pro potestate futuri vini. Nam si potentius placet, plus de buna; sin tenuius, plus de aquâ quàm pro justo alioqui utriufque modo admifcendum est. In câ aquâ ferventissimâ madescit horas

tres aut quatuor: ubi omnis ejus vis in aquam transfusa est, aperitur foramen quoddam in tinæ fundo, circumvallatum clathro colatorio, seu secerniculo vimineo, ne buna fresa, inanesque scapi quibus ea vestiebatar (inutiles nisi jumentis alendis) unà cum liquore elabantur, aut foramen repleant, & liquori exitum præpediant. Ita quà viam repperit, humor dulcis fluit, colore rutilo. Exceptus ille liquor, in aliam tinam inanem funditur, atque ad dimidias coquitur. Interim omnis spuma tollitur & abjicitur. Dein in vasa quædam lignea, quæ minus fundi sed plus lati habeant, ex cortina refunditur, refrigerii causa. Antè tamen quam omnem posuit calorem superestque modicus, ex iis vasis latis in aliam tinam & eam inanem delabitur, confunditur grota, adjicitur alterius compositionis recens alæ flos, perturbantur, & magna agitatione conquassantur omnia & commiscentur. Quò sit, ut vinum id aërea levitate floris in duplum rarescar, & vir-

& virtute grotæ se excellenter purget. Est autem grota, apozema ex bunæ fresæ crassamento (unde nomen habet) & liquore jam antè è bunâ, aquâ fervente perfusâ, defluente, ad spissitudinem excoctis. Dulcedinem id haber defruti, & animam præbet Alæ. Ita ad horas 24, cum in motu naturali Ala fuerit, agitante calore, potentià bunæ, & vi floris atque grotæ, in cupas, seu cados ligneos circulis cinctos, antequam fæx residat, refunditur, & in cellis vinariis subterraneis (quòd frigore meliùs conservatur) reconditur; sed sapore jam suavi, non, ut antè, dulci : ita libet cum Macrobio inter hæc distinguere. In iis cupis apertis ubi aliquandiu quieverit, secretio partium fit, ut in vino ampelite, & fæx ima, flos summa petit, innatatque ut spuma, & superfluit, Ala in medio pura consistit. Quod superfluit, vase excipitur, & ad compositiones alæ similes, atque ad conciliandam panibus levitatem, ciborumque apparatum accommodatur.

modatur. Quod spumæ à motu superest, incumbitque Alæ jam quietæ; id eam conservando est, dum ab externis injuriis defendit, & innatam vim atq; animam continet. Indicio est, quòd cui detractus flos ille est, statim emoritur & vapescit: contrà, illo superstite, ni æstas oberit, ad extremum senium (quod tempus est aliæ menstruum, aliæ bimestre, aliæ trimestre, aliæ annuum, prout plùs minúsve excoquatur) perdurat sapida. Rursum si florem addas, cui priùs demptus fuit, videtur ea reviviscere, & novas vires acquirere. Cupæ statim ut infunditur Ala, ided non obturantur, quòd nondum sedatus motus est, quodque alioquin iniquo loco rarescente Alâ, cupæ rumperentur. Ita Ala fit. Bera eisdem ferè modis componitur, nisi quòd lupus salictarius cum primo bunæ liquore fine grotâ decoquitur, Quòd si quis paulum tritici, & ejus crudi, potentiæ colorisque gratia (quod ferè fit.) admis. cet, id præter legitimum necessariumq; confi-

conficiendi modum est nostræ Alæ atque Beræ, & commendandi causà adhibitum; etsi non sum nescius & olim apud Iberos qui Occidentem spectant, & Britannos priscæ ætatis, referente Dioscoride, ex tritico suisse potum Zytho & curmiti similem, & nunc quoq; apud Germanos esse, sed ab hoc longè diversum; ut & apud Pictos (qui inter Anglos & Scotos medium locum tenebant, ex ador seu adoreo. Id frumenti genus patrià suà linguà hadder nominabant. Quanquam Scotorum historiæ ad ericæ (quam etiam hadder iidem vocant) florem atq; comam (lætum pecoribus atq; apibus per vasta & inculta loca pabulum) id genus potus referunt. Sed utraq; illa potionum genera (Britannorum dico & Pictorum) absoleta jam sunt, ita ut quemadmodum conficiantur, nulla memoria supersit. Hæc eò pertinent, ut si nec gustu, nec efficientià, nec compositione concordant Ala, Bera, Zythum & Curmi, cur Zythum Beram, curmi cervifiam

visiam seu Alam dicerem? Cur Zythum ex hordeo & lupulo potum (uti quidam,) definirem? cum ex hordeo tantum, & eo crudo madescente in aquâ sine lupulo confectum id sit? Cur cum aliis dicerem, curmi cervifiam seu Alam esse, aut illi respondere, cum facultates eædem non fint, nec vitia respondeant & virtutes, nec conficiendi ratio conveniat? Quòd si quis novitate vocabulorum Alæ & Beræ offendatur, putetque quod ex Cerere fit (ut est Ala & Bera) Cervisiam posse nominari, sciatis & vetera esse apud nos hæc nomina, & Zythum, Curmi, Ceriam, & quicquid ex fruge fit, eâdem operâ posse dici Cervisiam generis nomine. Itaque nullum fore vocum & specierum, nullum sensûs atque rerum discrimen, nullum fignificationis indicium, cùm tamen vocabula debeant esse senfus interpretes & rerum nuntii, ut re-Stè scripsit Cicero. Tamen si cui rebus istis propria nomina Latina aut Græca nota sint, prodat illa, & ego

illi de nominibus gratias agam, ille mihi de rebus, quas ita explicaverim, ut privata nomina aptiùs accommodari possint. Hæc non eò dico ut certem cum quoquam, aut cum doctis viris contendam, sed rem ipsam ut est aperirem. Id eò rectius fortasse possum, quòd id non ex aliena fide aut sermonibus accepi, sed visu comperi. Istæ igitur potiones nostræ, cum nec ad eos morbos efficiendos qui antè comprehensi sunt, quid habeant incommodi, ac præterea salutares sint, uti obiter ex Galeni verbis, & contrariis rationibus (quorum paria funt momenta) elicuimus, videamus an ad sudorem hunc pestiferum concitandum (cujus causâ de his sermonem instituimus) aliquid afferant causæ aut momenti. Certè qui vires singulorum quæ Ala & Bera accipiunt, ita ut suprà propositum est, velit æstimare, & cum morbo hoc componere, is sanè bunam refrigerare & siccare, ex Galeni sententià de naturâ hordei quocunque modo præparati, E 2 lupum

lupum salictarium temperate refrigerare ex Ruellii & Joannis Mesuæ testimonio deprehender. Quorum naturam etiam aqua, quæ hæc excipit, quâque hæc perfusa sunt, sapit. At hæc tria quàm fint adversa morbo facilè is intelliget, qui morbi naturam æstimet, quique morbum hunc calidum & humidum esse jam antè didicit. Verùm si bunam nulla ratione frigidam sed contrà, calidam ex vi & potentià æstimaveris, quod Ala & Bera corpus calfaciunt, caput tentant, & si potentes hæ fint, ignescunt etiam non aliter atque vinum, eumque calorem ab igne interim dum ficcabatur, concepisse credas: Ad hæc, si lupum salictarium calidum & siccum esse contendas, quòd gustui amarus est, quòd odor illi est vicinus vino allioque mixtis, fi manu contrectes aut digitis conteras, ut non magnopere repugnabo, ita ne fic quidem hujus morbi causa esse potuerunt. Nam quæ calida sunt & insigniter sicca (ut ad hanc rationem buna) aut calida & ficca

& sicca in secundo ordine atque gradu (ut ex quorundam sententià lupulus) ea certè putredinem remorari solent, tantum abest ut accelerent. Itaque adversa morbo hæc si sint, morbum generare aut promovere eadem qui possunt? Alioqui cur tot retroactis sæculis quibus Alæ atque Beræ usus apud nostros erat, morbus non invasit? Cur anno à Christo nato 1485, novus & inauditus nostræ nationis hominibus videbatur? Cur nullis antè notus historicis? Si dixeris per id intervallum, perque ea spatia solum aut cœlum causam contagionis non suggessisse; respondeo, mirum id profectò videri, insulam adeò caliginosam nullas per tot antè annos evomuisse nebulas ad eum modum contagiosas, aut ita inter se conspirasse planetas, ut nec coirent, deficirent, nec se mutuò aspicerent, ita ut ex his ad morbum faciendum nulla sit interim occasio aut propensio. Sed demus Trojano, Cantabrico, aut Rhodiensi bello (uti suspicantur quidam) +Ioni

non Britannico solo morbum hunc natum esse. Ergo Græci, Cantabri, & Turcæ Alam & Beram bibebant? Id si verum non est, alia quærenda causa est. Sed quænam illa? palustres scirpi per ædes apud nos sparsi, conclusa ædificia, aut falsamentorum usus, ut in epistolà quâdam scripsit Erasmus? minimè. Nam ut à salsamentis incipiam, eorum mediocrem ulum concedit etiam is, quo loco ea letalis fudoris causam esse scribit. Quod si immodicum tantum usum incufat, non magìs hæc quàm cætera cibaria, ubi modus excesserint, valetudinem offendent, atque Ephemeram pestilentem promovebunt. Certè Cornelius Celsus, auctor probus, vel infirmo stomacho salsamenta concedit. Et quid in eadem, aquâ dulci aut marinâ probè macerata firmo stomacho (quo omnes ferè sunt qui hoc morbo laborant) permittas, fi nocivus & abundans humor, qui in recentibus manet, his sale detractus sit, eoque idoneis calfaciendo, attenuando inciincidendo, siccando, atque detrahendo iis hominibus, qui humidas frigidasque regiones habitant, quique multâ insulsa pituira stomachum atque adeò universum corpus repletum habent, cùm tamen cæteris contrarii loci atque habitus, fanguinem inflammare, bilem augere, & stranguriis obesse solent. Nec diversum censuit longè omnibus præstans ingenio Galenus, qui libro de Sanitate tuenda V. scribit ra ταριχευθέντα τ προσφάτων αμείνω, hoc est, salita præstare recentibus. Jam verò de scirpis palustribus in conclusis ædibus & parum vento perviis, id cenfeo; vaporem infalubrem mutato cœlo ex his natum, non aliter hanc Ephemeram exuscitare atque febrem illam, qua hujus causæ auctor, homo senex, valetudinarius & peregrinus, scribit se laborasse, quoties in eas domus venerat, ubi nemo per aliquot ante menses versatus esset. Exuscitabat autem non ut airov, sed ut συνααίτιον, de quo atque id genus aliis antè proposuimus, cùm

cum de ouvairiois sermo erat. Neque certè tantillus fumus ex se tantam flammam potest excitare, nec privatæ domûs aura integram regionem inficere, præsertim cum non sit contagiosa; ut non addam multas ædes fatis perflabiles, & apertas aëri libero, in quibus juncus nullus erat, sensisse pestem hanc diariam. Hæc ita dico, ut non laudem tamen. Quid ergo causabimur, propter quod nostros præter cæteros letalis sudor tentavit? Vivendi ne rationem fobriam atque temperantem? nequaquam. Nam ea sola majores olim nostros ab hujus mali injurià tutabatur, atque junctos nobis Scotos adhuc tutatur, qui jejunia etiamnum referunt patrum suorum, quibus otio, gulæ, atque ebrietati dediti homines, tanquam Reipublicæ pestes, tanto in odio erant, ut statim curârunt eos comprehensos, atque eo quo delectabantur satiatos, quamprimum in profluentem conjici; usque adeò temperantiam in cibis atque potionibus, salutem Reipublicæ atque

arque hominis cujusque privati & gignere & continere judicabant. Quid ergo, eandem illam vivendi rationem luxuriantem? ita planè. Nam mensarum profusa luxuries nos certè perdit, corpora corrumpit, atque ad omnes morbos suspiciendos præparat. Nimium planè delicatè ac molliter vivimus, nimià rerum affluentià premimur, nimio ciborum arque potionum luxu diffluimus, quibus multi tantà dulcedine utuntur, ut magna pars non aliud vitæ præmium intelligat; tantumque, dum ex potûs jugi puteo baucalio bibunt, implentur, quantum satiet desideria præterita, & in futurum diu posset sufficere, nisi quod vitium hoc ea necessitas comitatur, ut bibendi consuetudo augeat aviditatem. Majores olim nostri simplici cibo usi sunt, non anserem, non gallinam, non leporem cibi fed animi gratià alebant. Nos contrà, non animi sed gulæ causa, non hæc solum, sed infinita alia animalia curiosiùs saginamus & insectamur. Quasi verò esca

esca ad voluptatem nobis non ad vitam data esset, & nos non ad honestatem fed luxum facti essemus. Illi Zenonem laudabant, frugi Pisonem, & M. Curium. Nos Epicurum, vel potius Gallonium & Philoxenum. Hos vivimus, illos contemnimus. Nunquam sitientes bibimus, nunquam esurientes edimus, ut de Dario atque Ptolemæo refert Cicero, sed relictà priori copià, statim repetimus quam reliquimus satietatem; usque adeò nulla est apud nos conviviorum æstimatio naturali usu, sed stultà persuasione & consuetudine. Hinc pestis hæc, hinc fundi nostri calamitas. Hinc fanè plures tanquam vulnere quodam suo maturiùs extinguuntur quam suo fato. Hinc quoties pestis ingruit, primis diebus morimur, simili qua capræ ratione. Alia enim pecorum genera, cum pestilentia vexantur, priùs morbo & languoribus macescunt, solæ capellæ, quamvis optimæ atque hilares, subitò concidunt. Id accidere maximè solet ubertate pabuli. Non

Non tamen ad humores referenda mali hujus causa est. Nam dixi acrius hoc venenum humores non respicere; aut si respiciat, pestem sacere. Quamobrem solum id superest, ut ad spiritus impuros atque ad contagionem excipiendam aptos, ex pleniori, variâ & pejore vivendi ratione secundam causam & eam incidentem, privatæ hujus nostrorum molestiæ referamus. Nam plena pravaque victûs ratio, ut universum sanguinem impurum, ita sanguinis & tenues vapores & subtiles partes impuras facit. At cum spiritus ex impuris illis partibus fiunt & aluntur, necessariò etiam & iidem impuri sunt. His ubi aëris conveniens accesserit contagio, sive nostro sive alieno loco, jam morbus absolutus est. Conveniunt autem, inter quæ similitudo quædam qualitatis est, ut inter contagionem & corruptos spiritus; & inter quæ longå afsuetudine sacta est sirma constansque familiaritas, ut inter aërem quem sua quisque regione trahit redditque, & **spiritus**

spiritus corporis attrahentis. Nam similitudo hæc & familiaritas longo usu facta & confirmata, concordiam parit. Hinc est quod quidam Britanni, postquam in Gallia ad annum integrum commorati sunt, nec dum ad plenum immutatus corporis habitus est, in patriam reversi, sebre hâc pestilenti quam mox correpti funt. Non tamen cum spiritibus corporis diversæ regionis aërem attrahentis ita concors aër ille est, quòd eum aërem jam infectum, attrahendi, cum purus esset, consuetudine nullà similitudo & confirmata familiaritas facta est per superiorem vitam. Ex quo factum est, quòd exteris, qui tum nuper advenerant, molestus non fuit morbus iste. Nec si occasione contagionis quæ cum spiritibus corporis conveniret, aliquâ ex parte à suâ naturâ degeneravit aër, statim efficitur ut non supersit tamen, etiam à suâ naturâ similitudo quædam, quæ augeat mali neceffitatem in corpore illi assueto & concordi. Quæ naturæ aëris similitudo, quod

quod iis qui illi non assuerunt, desit, ii una ægrotandi necessitatis parte propter eam quam ante dixi causam destituti sunt. Contrà, ca similitudo & convenientia cum sit, aër nativi sui cujusque soli suos & domi & foris agnoscit spiritus. Quo sit ut idem infectus, similitudine suæ naturæ, & recipientis consuetudine se infinuat blandiùs, imponit faciliùs, & virus spargit liberaliùs; ita tamen si cum eo consenserint impuri (ut antè dixi) spiritus. Itaque nihil mirum videri debet, si in Britannià Anglos contagio affecit, salvis (ut antè retuli) Scotis atque Gallis: Et ad Belgas producta, nostros vexavit intactis Belgis; non magis quam fi ex pede dolor inguen afficiar, genu interposito nullius doloris sensu affecto; nimirum propter naturæ inter se suæ convenientiam, quæ avadoyla, patiendique similitudinem, quæ Græcis hominibus συμασαθεία nominatur. Impuros autem illos spiritus, ex sanguine plenioris, pravi, variique cibi oriri diximus.

imus- Quâ vivendi ratione quòd multi, & ex omnibus nationibus ferè soli funt Britanni (his enim plena variaque mensa jam diu gratia suit, & nunc est gratissima) etiam plus cæteris, & penè foli hoc morbo tentantur. Inditio est annus hic pestifer, qui exteris infestus non fuit, atque ex nostris nullos æquè pressit aut absumpsit, atque benè saginatos, otio & quieti per superiorem vitam deditos, ætate juvenes firmos & confistentes, aut non ita multo infra supraque hanc, constitutione corporis calidos & humidos, texturâque corporis raros, five ex nobilitate illi fuerant sive ex plebe. Nam miseram illam & jejunam plebeculam belli pacifque laboribus duratam, aut omnino non attigit, aut sine gravi noxâ vel periculo. Quæ res admirationi forsan esse poterit, aliqua gigni repente vitia terrarum certis ætatatibus aut etiam fortunis, tanquam malo eligente hæc in juvenibus graffari, non in adultis, hæc proceres fen-

tire & divites, non autem pari modo pauperes. Sed dicam causam, atque adimam admirationem. Illis pinguis fagina corpora pravis aptisque humoribus replebat, otium & quies corrumpebant, ætas & consuetudo vorax augebant, constitutio corporis consentiebat. Hæc quòd jejuna victus ratione laboreque usa est, præ jejunitate, siccitate, & inopià, succis, eoque spiritibus ad putrefactionem proclivibus destituta est. Quæ proclivitas & propensio ad suscipiendam causæ agentis potentiam si non adest, nihil sit; proclivitas autem aderit, si certa quædam qualitatum & spirituum convenientia & cognatio sir. Etenim non omnia temere agunt in omnia, sed certa tantum certo modo & consilio in certa, ita scilicet, si aptitudo materiæ, facultas agentis, & utriusque conveniens compositio confenserint. Neque enim ignis remota ligna, neque ineptè composita adurit : Neque eadem contigua idem, si impotens est, exedit; neque saxa, ter-

ram aut aquam incendir, quòd illa aut minimè aut ineptè componuntur; hæc & agentis impotentià, & qualitatum aversione atque adeò repugnantià, ad flammam efficiendam, suscipiendamve minime funt idonea. Quorum igitur ad has rationes cum ea contagione non consenserint spiritus, ii maxima ex parte omnes à morbo tuti extitere. Quamobrem alieniora fuêre à morbo corpora densa, frigida & sicca aut naturâ & habitu, ut melancholica; aut ætate, ut senescentia; quòd hæc putrefactionem oppungabant potius quam admittebant. Quæ causa est, quòd etiam pestilentiam senes minus sentiunt. Itaque ea anni hujus sudoriferi constitutione atque tempestate, quâ morbus viguit maximè, recreata potius quam læsa hæc corpora funt. Minus etiam tentata fuerunt corpora infigniter calida, ut puerilia, quòd vehemens edaxque calor omnem mali materiem fomitemque abfumpfit; & calida & ficca, quòd ficcitas ad putrefactionem inepta, caliditas

tas nisi adjuncta humiditate otiosa est. Est enim putrefactio, corruptio nativi caloris in humido proprio, ab adventitio aëris calore. Frigida item & humida, quòd frigus & calorem adventitium oppugnar, & in suo humido eundem retundit; nisi in his adventitia plenitudo ad putrescendum proclivis omnia evertat, atque ut putrescant spiritus somitem præbeat (spiritus autem putrescere & probati auctores sunt, & indicio est aër, cujus hi naturam referunt, putrescens) malumque supra quam natura corporis fert in se alliciat; & cum hac, anni tempus calidum, quòd cutis spiramenta aperit, contagionem intromittit, humores fundit, atque putredinem accelerar. Ita enim in phlegmaticis superatur frigus, in cholericis siccitas. Sed hæc frequentiùs solent in iis morbis incidere, in quibus intrinsecis de causis putresactio sit, ut in cæteris febribus, quam qui aëris contagione. Quæ jam de Britannis dixi, eadem ferè de Belgis etiam & Germanis

nis licebit dicere. Etenim cum proximi nobis ratione victus hi funt, etiam nobis malo fecundi erunt. Est tamen privata quædam in utrisque observatio, prout natura cœli solique salubrior est, magis minúsve iis, quæ mali materiem gignere & augere consuêrunt, indulgeamus, graviùs aut leviùs, rariùs aut frequentiùs ægrotemus. Ad hæc, hi nostro aëre & contagione non læduntur sed suo; nos non suus illorum, sed noster inficit. Illud nostra hujus anni contagio monstrat: Hoc sua anni 1529 confirmat; idque propter eas quas antè proposui rationes. Nam ut vivendi usu & ratione propiùs ad nos accedunt, ita familiaritate circumfusi aëris naturâque soli aliqua ex parte à nobis discrepant; quantoque illud ad malum excipiendum facit, tanto hoc ad idem latiùs proferendum, & cum aliis communicandum impedit. Fieri tamen potest pro veneni ratione & analogià, corporum aptitudine, anni tempestate, &

ventis secundis, ut id ab uno profectum, manet latius ad alterum.

Hactenus reperiuntur mali hujus na- Ratio pretura, nomen, origo, affectio, durandi fervatioratio, causæ, & aptitudo ad id personarum. Nunc de iis dicam quæ valetudinem tueri, & morbum, si inciderit, demoliri tutò possunt. Incipiam à tuendâ valetudine. Etenim id consequi votum est. Id quod probè nôrunt ii, qui in sanitate soelicitatem ponebant. Id ægri, qui præter salutem nihil exoptant. Id Pyrrhus, qui vota pro sanitate faciebat. Id Antiochus Soter, qui sanitatis signo vicit. Id demum, non solum Pythagorici, sed principes viri & privati ad unum omnes, qui eum ad alios scribunt, eis sanitatem, tanquam omnium rerum summam, precantur atque exoptant. Ea cum confervando, præservando, corrigendo & reficiendo est, uti in primo nostro libello de medendi methodo diximus, tantum quæ præservare possunt hoc loco prosequar, quòd hic solum hoc negotium

gotium est, dubiam valetudinem certam facere quoad ejus fieri potest, atque impendentem ex crudeli morbo fanitatis ruinam antevertendo declinare, non retinere tantum cà conditione quâ accepimus conservando, neque naturalem corporis constitutionem malam immutare corrigendo, nec à morbo fractas vires folari reficiendo. Præfervationis autem summa atque scopus est, ut quæ morbum efficiunt declinemus, quæ jam contracta funt educamus, incitamenta mali secludamus, & corpus ne malo suscipiendo idoneum sit, defendamus. Id præstari percommodè potest caufarum salubrium accommodo usu. Etenim in causarum salubrium potestate sita salus nostra est. Eæ quæ funt & quot, quâque methodo comprehensa ctiam in illo nostro primo libello de medendi methodo explicuimus. Ergo ex iis præponam victús rationem, quò jam devenerat oratio. Dein revertar ad aërem, unde de mali causis agens inceperam. Postremò, cæteras

teras causas salubres proferam, atque ordine fingulatim prosequar; exponamque primò, quemadmodum aëre, cibo, atque potione salubri, commodâque horum præparatione, morbi causas declinemus; evacuatione, abstinentià, temperantia, exercitatione, somno, & vigilià, quæ insederint educamus; munditie, habitatione salutari, amotione rerum noxiarum, fugâ à nocentibus locis, curà, observatione, & compositione affectuum, quæ malum concitant & prolectant, secludamus. Ad extremum, quemadmodum lotionibus, suffitu, odoramentis, ignibus, alexipharmacis, atque aliarum rerum, quæ præservare atque animum augere possunt, usu, corpus adhuc integrum, ne facilè contagionem admittat, tutum reddamus. In vivendi ratione præcepta à naturâ repetam. Ea enim optima vivendi magistra est, ea certissima norma. Cursus est enim certus & via una naturæ, eaque simplex. Eà duce, & tutò quivis vivere, & vitam in longum proproducere fine triftibus morbis, fine infinitis incommodis, quæ alios sequuntur, potest. Ea parvo contenta est, & vivendi simplicitate. Id multis tum aliorum exemplis, tum præcipuè prifcorum Italorum & Persarum comprobari potest. Hi enim, ut Zenophon auctor est, pane, nasturtio, & aquâ contenti erant. Illi (ut Cœlius Rhodiginus commemorat) quam simplicissimè tenuissiméque ex obvio vixerunt; adcò ut inde natum sit, tenuissimam quamque mensam, Italicam nominari; uti jam contrà, plena mensa Britannica dicitur. Etsi non sum nescius Platonem in epistolà quadam ad Dionis propinquos, mensas Italicas ut nimiùm affluentes reprehendere. Sed has cum Græcorum mensis Plato contulit. Erat etiam in ratione temporum apud Romanos, vitæ discrimen, uti tum ex multis multorum historiis, tum dein ex iis quæ Lucius Columella in libros suos de re rustica, & cultu hortorum præfatus est, scire licer. Is enim antiquæ

tiquæ Romæ duritatem atquæ parcitatem laudat, suæ mollitiem atque luxum reprehendit, ut cui cœnæ non naturalibus desideriis, sed censibus æstimabantur. Sed luxum mitto, & iis relinquo, quibus της καρδίας ή υπερωα εύαιοθητοτέρα υπάρχει, ut Cato solebat dicere, quique palato magis quàm corde sapiunt. Jam naturalem vivendi tenuitatem sequor. Eam ad sustentandam vitam abundè sufficere, exiguus etiam parcusque Zenonis, Philosophorumque cæterorum cibus, & priscorum mortalium primi sæculi vivendi simplicitas clarè docent, cum gurgite puro vita rediit, satisque erat populis fluviusque Ceresque, uti scribit Lucanus. Neque id sinè ratione. Nam si id in dies reponebatur, quod in dies vi nativi caloris defluxerat detractumque fuerat, naturæ satisfactum erat, corporeque sejunctus dolor aberat, mensque fruebatur jucundo sensu, curâ semotâ metuque, quò solum natura spectat. Quòd si cuiquam insuavis cibus nastur-F 4 tium,

tium, aut justo tenuior victus panis, aut ingratus potus aqua videbuntur, cogitet is quam fuavis res sit fami panis ex jure fimplici, aut allium cepáve cum pane secundo, aut dulcis siti aqua Hæc enim jejunus stomachus raro vulgaria temnit, ut Flaccus rectè cecinit. Marcus Tullius, quinto Tufculanarum quæstionum refert Darium in fugâ avide bibisse aquam turbidam & cadaveribus inquinatam: Ptolemæum peragrantem Ægyptum, cibarium panem suaviter edisse, sie ut nec illis visum quicquam jucundius, cum præsertim aliàs nec ille sitiens bibere, nec hic esuriens esse consueverat. Quorsum igitur ambitiosa illa sames, quæ undique terrà marique quod voret, quærit? Quò tot potionum varietates? non minori, credo, numero, quam olim ætate Caii Plinii, quâ, ad bibendum genera, mirâ vitiorum solertiâ, ad chrietatem ingeniosiùs excogitata erant 195. Sed species, si æstimentur, duplici penè numero; magno certè & rei & sanitatis dispendio. Quò lautæ gloria

gloria mensæ spectat? Quid tam prodiga rerum luxuries, juvat? Cùm natura exiguo dedit omnibus esse beatis, ut est apud poetam. Certè si considerare volemus (velle autem omnes debent) quæ sit in natura excellentia & dignitas, si dux atque imperator vitæ cujusque suæ mortalium suus cuique animus esser, isque ad virtutem accinctus, atque ad gloriam virtutis vià paratus, intelligeremus quam sit turpe atque incommodum diffluere luxuria, & delicate ac molliter vivere, quamque honestum atque commodum parcè, duriter, continenter, severè, sobriè, sugeremusque epulas, instructas mensas, & frequentia pocula, quibus nullum gravius malum, nulla capitalior pestis humanæ vitæ atque rationi esse potest. Itaque & vinolentia, cruditate, infomniis, cæterâque morbi materià careremus, & vegetiores sensus, rationisque usus promptiores haberemus. Nam venter crassus, mentem non parit tenuem, juxta Græcum Proverbium; yaσης ή σαχεία, τ νέν ου τίπτα λεστόν. Cæterum quamvis immoderatis epulis vellem omnes carere, nihil tamen obsto quò minus iidem modicis conviviis pofsint delectari. Nam ea ad yaletudinem viresque faciunt, quò referri omnis vi-Aus corporis debet, & non ad voluptatem. Ergo in cibis potionibusque modus esto pro naturâ, simplicitas pro falubritate. Alterum enim facit ut vivamus, alterum ut jucundè & sinè morbis vivamus. Sed in falubritate delectus est habendus pro sua cujusque corporis conditione, consuetudine, & natura rei. Etenim suus cuique est appetitus, sua quemque trahit voluptas, prout suam quisque mistionem nactus est & corporis constitutionem. Alii enim ovillæ carnis; alii suillæ esum non ferunt; alii à certis piscibus abstinent; alii nec carnem nec piscem omnino admittunt; quidam malum, pyrum, & caseum nunquam gustant, nec eos unquam fallas injecto vel levissimo horum momento in ea quæ amant, quin

quin statim deprehendant atque respuant. Mel (fi estur) corpus nonnullis in tumorem attollit. Lac aliis letale est, cum alioquin omnibus sit naturale. Quidam assa omnia, quidam elixa, crocum quidam, quidam allium & olivam naturaliter oderint. Æquè & aliis aqua, aliis vinum, aliis acetum, aliis Ala, Bera aliis exofa est. Est apud nos servus quidam Atriensis, qui tam rarò bibit, ut credatur nihil bibere. Est & alter aulici item famulitii atque vitæ, qui nunquam bibit (mirabile dictu) id observante hero suo, & subinde concludente, quò hujus rei certior fiat. Cùm Patavii studii literarum gratia agerem, atque Aristotelicam disciplinam Græcè profiterer publicè, eramus in eâdem domo convivæ tres, quorum alter Comensis, solis amaris atque acidis delectabatur; alter Mediolanensis, nunquam bibit vinum sed aquam coctam, nec alio pane quam biscocto vescebatur; tertius solis dulcibus capiebatur: Perinde vario palato atque Horatiani

ratiani illi convivæ. Ita in corporibus nostris lasciviens natura plane ludit, & rerum varietate gaudet. Quocirca, quoties de delectu victus deliberatio est, ad suam cujusque naturam consilium est omne, aut saltem præcipuum (nam morbus qui vel adest vel impendet, aliquam partem sibi vendicat) revocandum. Atque hæc de cujusque naturâ. Venio ad privatas consuetudines. Etenim eadem consuetudinis ratio est, quæ naturæ, eò quòd consuetudo altera natura est. Ejus omni tempore habendam rationem & præcipui medici jubent, & nobilis cujusdam Veneti exemplum indicat. Is carne bubula consuero cibo à familiari medico curatus est, cum ab aliis, qui id nescierant, melioris succi cibis nullà ratione fanari potuit. Itaque non quivis cibus aut potio, sed certus eligendus huic illive est, pro sua cujusque corporis naturâ, consuetudine & morbi ratione. Nam & hæc facit, ut tum in morbis aliis, tum hic etiam, dum præferservare tutarique corpora nostra ab hac diaria & pestilenti febre conamur, certam victûs rationem præscribamus, variemusque in singulis. Is in cibo atque potione positus est. Cum igitur morbus hic impurus sit ac putridus, antè omnia curandum censeo, ut cibus sit purus & falubris. Purus & falubris erit, si suavis sit, si probè mactatus, si non ad foetorem affervatus, si boni succi, si firmi nec ad putrescendum facilis alimenti, si coci focique officio benè præparatus. Isque esse debet cum pane hesterno, qui benè elaboratus, convenienti sermento aspersus, & ex puro proboque non mucido tritico factus est. Sit potus aqua pura, dulcis cervisia, Ala aut Bera, quibus hæ in consuetudine sunt & salutares, ex incorruptă bunâ, probè & sinè adulterio coctà. Vinum item tenue, & quod quam minimum aquæ ferat. Potentia enim utriusque generis, aliena sunt, nisi vino dulcem aquam assundas. His contentus, cæteras potiones novitio invento

vento ad voluptatem ingeniosiùs excogitatas fugito. Pro cibo vitulus esto, hoedus grandior, agnus adultior, ovis, si castretur, Britannica, ex venatione cuniculus, lepus, dama, dorcas, platyceros. Neque hic bovem ætate tenerum (qualem habet Anglia & Italiæ Florentia) propter ficcitatem, firmitudinem succi, sumptusque tenuitatem jejuno popello excluderem, modò fatietas absit. Utilis est item avis sylvatica, campestris & monticola, ex quibus est perdix, attagen, sturnus, merula, turdus, & qui sylvas amat phasianus. Æquè & pipio sive juvenis ex grege columbus, ubi jam omnem dum mactatur effuderit sanguinem, Gallinaceum genus, & pavo gloriosus, cui in naturâ est, referente Cœlio, ex occultâ proprietate ut non putrescat. Id experimento comprobat. Equidem credo carnem ejus, quòd excellenter sicca sit, non facile putrescere. His accedunt & quæ ex vitulo, gallo, capo, pullo gallinaceo, & cæterâ ave quæ fylvå,

fylva, monte, campove degit, conficiuntur cibaria, sive concreta ea, sive colata, sive pistillo contusa consistentia ministrentur; & egregiæ bonitatis ova tremula; aut eadem dempto putamine ferventi aquâ leviter incocta. Lac item optimum, quod ob id έυχυμώτατον & optimi fucci esse auctor est Galenus libro tertio de facultatibus alimentorum. Ex piscibus aquæ dulcis placet lucius, perca, barbus, & quam vocant troctam. Mustela item, quam Caius Plinius scaro bonitate proximam existimat, atque id genus bonitatis alii pisces rivales, quibus friabilis caro est, & profluente sabuloso arenosóve procul ab urbe victitant. Ex salsa aqua probatur mugilis & barbatulus mullus, qui alto & puro mari jactantur. Nam in universum meliores sunt, quos plurima jactatione inquieta, æstuosa maria fatigarunt. Ex faxatilibus scarus, frequens in Creta piscis propter onago-Coravny quam vocant herbam quâ tantopere delectatur. Merula, turdus, ïûlis, percis, phuca. Littoralis item gobius, pelagius afellus, buglossus, passer, aurata, lupus, dentex, & mustela illa quam piscatores nostri soricem marinum vocant, cum tamen capitis & reliqui corporis forma; atque adeò colore ipso similior mustelæ quam sorici sit. Ex crustatis cammarus, cancer; pagurus. Sint omnes mediæ ætatis. Nam in omni piscium genere media ætas quæ justam magnitudinem non explevit, Celfo probatur. Ex his aliquos idcirco annumero, quòd firmi valentisque sunt alimenti, nec facile bono stomacho corrumpuntur. Neque enim ægrotis aut stomacho imbecillis victùs rationem instituo, sed valentibus adhuc atque integris, quibus tamen putridi mali futuri suspicio est atque metus, ita ut securi esse non possunt. Hæc ita utilia funt, si circumcisa omni negotiosa cogitatione, cum hilaritate, modo, tempore, & ordine, ex consuerudine & assumentis desiderio sumpta sunt. Nam extra hæc fatietas omnis per hæc gravia

gravia tempora atque loca, periculosa esse solet, uti etiam cætera anni parte, si quotidiana est. Quare, ne quis qui valere & senescere volet in satietate vivat, commoneo: quoque valetudinis ratio semper constet, utendum cibis atque potionibus ut reficiantur vires tantum, non opprimantur, consulo; atque his non alienis à consueto, quod à consueto mutationes in pestilentibus febribus, ut in rebuspublicis, graves esse solent, ideoque ab Hippocrate in his vel maximè damnari. Itaque detrahere de nutrimenti soliti vel quantitate vel qualitate, vel etiam utrâque, imminente hac gravi tempestate, suadeo. Qui enim celeriter notabilem abundantiam acervant, his de utrâque; qui non celeriter, aut non notabilem, his de altera demptum esse sat suerir, utrum videlicet homo ipse potius voluerit. At quemadmodum de quantitate demas, notum est. De qualitate demitur, cum exigui nutrimenti cibus apponitur, ut si olus, legumen, pis-

cem, avem, aut ex cæteris quæ jam diximus aliquid quod non multum nutriat exhibeas; imitatus ingenium atque exemplnm sagacis agricolæ, qui serendo ervo abunde esse putat locum macrum nec humidum, quia id granum luxurià plerumque corrumpitur. Optimum est, in desideriis esse. Quare cibi condimentum primò fames esto, dein olea, cappari, limo, malum Punicum atque medicum; malum item illud quod alii matianum, alii arantium, alii aureum & aurantium nominant, quodque interpres Nicandri in alexipharmacis νεράντζιον vocat. Hujus arborem Nicolaus Myrepsus sectione 10, appellat νερφιντζεαν. Acetum præterea, succus oxalidis oxyacanthæ, ribes, uvæ immaturæ, & quæ austera astringentiaque funt, egregiè condiunt. In fecunda mensa quæ bono stomacho nihil nocet, in imbecillo coacessit, probo quæ ex malis cydoniis & prunis Damascenis siccis conficiuntur. Malum item nerantzium in tenues partes diffectum

dissectum, & faccharo condulcatum ex Palladii documento. Malum granatum, mespilum, & anni superioris pyrum atque pomum, nucem è Ponto, nucleum ex pinu, cui hoc naturale est, succum corpori proprium augere, alienum ficcare, corruptum repurgare, uti nonnulli tradidêre, Caricam etiam & palmulam, uvam siccam atque passam, tum jusculo additam, tum seorsum primo cibo assumptam. Nec displicent cortices limonum, malorum aureorum, citriorum, & nucum regalium si condiantur, modò plus quàm par est propter dulcedinem non assumitur. Olera omnia seu acetaria ex herbis crudis nullo modo ad salubritatem præparata, per id tempus improba funt, quòd fuspicio est etiam iis ab impuro spiritus vitiosoque aëris afflatu aliquid inuri, quod impuriores eas faciat & infalubriores, atque ob id à contagione non efse omnino immunes. Etsi non ignorem alia ratione & analogia herbas, alia homines infici. Coctura tamen & G 2 calcalfactione fiunt idoneæ, alias non improbo. Quocirca, origanum, anethum, thymum, salviam, acetosam, & rosmarinam herbam, aquâ calidâ priùs lota, aut ad focum calfacta non rejicerem, cum pisces aut carnes præparandæ funt, adjecto aceto vel omphacio, aquâ rosacea, macere, & oxyacantha. Ita nec acetarium ex cichorio, acetosâ, flore boraginis, buglossæ, rorismarini displicebit & violæ. Cibis etiam atque condimentis si inter edendum aspergas hunc pulverem, ex sanitate erit. Compones maceris, caryophylli, ana partes ii. Zedoariæ, rad. dictamni ana p. i. sandalorum omnium p. unius semissem; coralli rub. rof. rub. ana p. i. cinnami partes tres, margaritarum p. i. & facchari purissimi quantitatem sufficientem pro cujusque gustu, contusis omnibus, & in pulverem quam tenuissimum redactis. Cætera καρυκεία, seu conditura supervacua, & in cibis variarum rerum confusa atque curiosa miscella, ut parum salutaris vitanda. Breviter,

viter, de ratione victus ita in univerfum censeo, ut sit aut frigida & sicca, aut calida & sicca vel natura vel arte, prout res ratiove personarum postulat, & nos dicemus in sequentibus.

A cibo arque potione transitus est ad aërem, de quo infecto jam antè diximus. De eodem puro servando, quoad ejus fieri potest, aut minus saltem impuro, & corrigendo eo corrupto, nunc dicturus paucis sum. At illud cum fit contagionis causas amovendo, hoc contrariis alterando, dicam primò quemadmodum caufas amovebimus; post, quibus rationibus ita aërem alterabimus, ut ne noceat vitium id quod infestum est humanæ naturæ. Contagionis causas amovebimus, si soli accidentia, quæ malum incitare augereque possunt, in contrarium vertamus, ut si animalium corpora, quæ humi putrescunt, altiùs inhumare, aut igne consumere, aërem liberum & apertum servare, ædificio alto, lucido, spatiosoque habitare, quod perslatum æstivum, G 3

æstivum, hybernum solem habeat, ut hic, frigus suo tempore mulceat, ille, æstatis incendia frigore moderetur. Æquè & in aversis potius civitatum atque ædium locis agere, quò gravis ventus minus offendat; ventos austrinos fecludere, meridianum folem, matutinum & vespertinum frigus cavere; munditiem amare, munda omnia procurare, sordes abluere; pigras & stagnantes aquas ad fluxum incitare, auras fluminum & stagnorum fugere, minimeque nubilo cœlo soli aperienti se committere, ne modò frigus, modò calor moveat, quòd parum tuta hæc funt, ubi subita insuetis sunt; conclusa non reserare, quæ tetri, virosique sunt odoris eruncare, camerinas non movere, & cæteris, quæ in commemoratione causarum contingentium suprà comprehensa sunt, obviàm ire studuerimus. Idem faciemus si quæ soli tempestatisque vitio obveniunt, quæque aëri corporique nostro vim pestemque afferunt (cujus generis funt vapores

pores illi nocentes, & pestiferæ exhalationes, de quibus ubi de causis egimus fermonem fecimus) quantum licet secludamus atque fugiamus. Etenim à pestiferis recedere, & nocentibus rebus refugere, accessus est ad res salutares. Corrigemus verò aërem, frigidis & ficcis, & ficcis calidis. Etenim hæc præservandi meta est, hic fœlicis fanationis hujus mali scopus est, ea exhibere, quæ aut suâ refrigerandi, siccandi, astringendique naturâ, aut calfaciendi & siccandi facultate vim habent, atque potestatem putredini adversam, cordi & spiritibus (pro quibus metus est) amicam, atque contra vitiosi aëris injuriam universo corpori salutarem. Ordiemur à ficcis calidis. Ergo aëris constitutionem præter naturam perque injuriam vitiatam, omnium primum commutabimus siccabimusque igne ad hoc extructo, tum intus in ædibus, tum foris sub dio. Sed foris ita, ut justum tutumque intervallum sit inter ignem & ædes, ne calore æstuent, G 4

æstuent, utque ignis aërem tantum rapiat & commutet; & eâ loci parte quæ ventum spectat, quò eum adventantem ignis excipiat, & depuratum repurgatumque ad nos dimittat. In hunc si odores, si suaveolentes herbas, fragrantes flores, jucunda aromata, odora ligna, & gratè fumantia thura, ladanum, myrrhamque injeceris, omnes laudes ad hunc nostrum scopum attingendum certè habebit. Etenim suavitates odorum à putredine defendunt, spiritus recreant, animæ vigorem addunt, lætitiam pariunt, atque aëris vitium corrigunt. Id divini Hippocratis, id docti Agronis & Empedoclis (qui Agrigenti nati, & Athenis sub Parmenide instituti sunt) exemplum docet. His enim rationibus hi omnes seorsum Athenas à peste liberarunt, sed ille privatim etiam Abderam. His ille Græciæ item alias urbes à pestifera contagione eò per intervalla temporum nunc ab Æthiopiâ, nunc ab Illyriâ, nunc à Pæoniâ ventis afflatâ, tutos servavit, uti illustri laude celebratus Galenus, & methodicæ Medicinæ instructiffimus auctor Soranus scriptum reliquerunt. Sed longè petitis exemplis opus non est, cum fabros nostros ferrarios coquosque se soco tutasse suo observatum est. Sit focus hic luceus & perennis, sed major sub Orientem solem & Occidentein. Rure per agros stipulam incendere, & nemorum decidua ligna passim comburere confert. Profuit & adusta filix. Per ædes thus masculum & odores incendantur. Sumitur rosa, lauri folium & rosinarini, fandalum citrinum incisum, & caryophyllum excipiuntur vino odorato, aceto, & aquâ rosaceâ, atque ad prunas leviter decoquuntur suavi odore. Aut nardi, croci, cinnami, caffiæ (quos Celfus & Solinus odores vocant) malabathri, pars una fingulorum; costi, caryophylli, pars item una; 10sæ folii, cupressi seminis, utriusque pars una; conteruntur, & styracis quantitate, quæ his excipiendis satis sir, commiscentur,

miscentur, addito moschi momento, & ladani commodà portione, & incenduntur. Sed omnium efficacissimi, trochischi cyphi Democratis sunt, si ad odorem suffiantur; atque eo magis, quo plus habeant odorum. Nam in universum id censeo, in ægritudine hâc spirituali, ex verâ methodo, omnia ita plus minúsve profutura, ut plus minúsve odorum accipiunt. Etenim pro spiritibus vel maximè odores faciunt. Eam ob rem huc facit & rosa, myrrha, & thus pari portione incensa: Et quibus hæc non funt, baccæ lauri & juniperi. Ex aquâ item rosaceâ, caryophyllis & caphurâ idoneus est suffitus. Hæc intus fiunt. Foras atque in publicum prodire (quod tamen per id tempus parciùs fieri consulo) vel delectationis causa si libet, vel propter civilia negotia aut privatas necessitates, si cogeris, ex pari modo nucis unguentarii, maceris, caryophylli, croci, cinnami, fi contrita subtiliter sunt, & mastiches Chiæ parte una cum semisse, styracis partibus

partibus duabus cum semisse, ladani partibus quatuor, non sine ambræ moschique granis aliquot, vino aromatico dissolutis, concinnè fit odoris gratiâ odoramentum seu pastillus unguentarius manu gestandus. Scordii etiam, heptaphylli, aut verbenæ suffitum si quis ore excipiat, & non egrediatur domo nisi ab hoc suffitu, probè munitus erit ad hanc pestem. Quòd si hæc non placent, in eum usum sudario excipiatur aqua rosacea & acetum, os perpetuò occupet Zedoaria, aut enulæ radix, aceto rofaceo ad noctem integram macerata; aut juniperi bacca, galangæ radix, macer, aut mali medici semen. Jejunos prodire vetat Celsus, quòd venenum omne faciliùs inani corpori quàm repleto nocer. Quamobrem utilissimum est, ubi ex pestisero aëre metus est, non ante progredi quàm quis aliquid assumpsit. Id esto ex iis quæ parari facilè possunt, quòd mali festinatio moras non finit. Ex horum genere proba theriaca est, in hunc & feeffectum omnium consensione laudata & seorsum, & ex cyatho uno aquæ distillatæ acetosæ vel scabiosæ. Æquè & trochisci è viperis, & cyphi, diambræ, saccharumque rosaceum. Et ex aceto, vel uvæ immaturæ fucco panis ad focum tostus, cum levi contritæ Zedoariæ aut cinnami aspergine, non dubia medicina est. Ficum, rutam, nucem, & salis momentum probabat rex Mithridates, & quo ipse usus est Mithridatium. Cum pane butyrum, falviam, atque rutam cum odoribus præservando etiam esse, usus comprobavit. Populare item est, quod ex serapiis fit malorum punicorum, limonum, oxalidis, & aquis stillatitiis dragunculi, heptaphylli, & acetofæ, jejuno stomacho, & ante cœnam ubi concoxerit, additis semper per hæc odoribus. Sed imperiale illud ex ovo electuarium. Mirum in modum facere comperimus contra hanc pestiferam diariamque, febrem acetosæ, rosæ rub. santali citrini, spicæ nardi, cinnami, croci,

croci, seminis citri, singulorum partem unam; boli Armeni ex oriente p. i. & semissem; terræ sigillatæ partis unius semissem; margaritarum p. i. adjectis auri puri foliis, sed contrita, & ex aceto potæ drachmæ semissis modo. Et ex aceto lapis Armenius folus, aut sphragis; aut ex eodem scordium non dubiè facit ad hunc morbum. Aut margarita & corallus propter frigiditatem atque summam exsiccandi penetrandique facultatem. Sed terenda hæc subtiliter sunt, quò vis major sit, atque expeditior distributio, minusque obstruant atque expulsionem præpediant. Quotidianus item usus (sed non solus) potentioris potionis ligni guajaci grassante hâc ephemerâ humidoribus multum profuit, quod & universum corpus modice siccabat, & superantem materiem per cutis spiramenta digerebat, sudorem movebat & putredini resistebat, quo minus offendantur spiritus. Hæc omnia etsi qualitatibus aut materialibus aut spiritualibus venenum corum

frangunt atque extinguunt, ita ut liber corum usus esse poterit, tamen si cutis astricta est, si obstructi meatus funt, pronior fum ut ex his iis utaris quæ calida & ficca funt. Si spiramenta nulla connivent, si infarcta non funt, quæ frigida & ficca. In munditie probo omnia quæ suavem spirant odorem, sive vestes & indumenta ea sunt, sive quotidiano usu cætera linteamina. Lavari ex aquâ calidâ, quòd ea aperit, alienum est. Quamobrem commoda erit quæ acetum aut omphacium admistum habet frigida, aut ea in quâ mali granati, aurantii, aut Assyrii putamen, vel oxalis incocta sit, quod hæc cutis spiramenta constringit, aditum aëri vitioso præcludit, & si ca pavimentum respergas, aëris vitium emendat, & calorem temperat. Quòd si præter hæc pro confuetudine, urgente jam fame, jentandum sit, certè paulum cibi, sed hujus idonei, gustandum est. Id quod perpetuum per omne tempus hujus pestis diariæ esse debet, ne si quis

quis se nimiùm expleat, naturæ laborem conduplicet. Quæ cùm vix contra plenitudinem venenumque se sustinere poterit, periclitatur ne succumbat.

Atque hæc quidem de pestilenti aëre corrigendo, & quemadmodum in eo nos fanos habere convenit, propofuimus. Quasdam autem observationes desiderat & inanitas & plenitudo. Nam si quis ex corpore metus est, antè & curioso victu, & cæterâ detractione cavere oporter, ne inutilis materia corpori supersit, ut cum morbus adventat puro in corpore puros offendat spititus. Etenim necessum est, ut quod plena pravaque victus ratio, salutisque negligentia tempore apposuit, id cura detrahat, ne corpora eâ ita repleta, celerrime & senescant & ægrotent. Detrahendi autem rationes duæ funt, inedia & evacuatio. Inedia, & in abstinentià & temperantià posita est, quod hâc ab animo hominis pendente medicina, aut nihil edimus, aut quanto minimo natura sustineri potest contenti fumus,

sumus; utroque modo quòd plus decedit corpori quam accedit, paulatim materia superans minuitur, spiritus (quorum gratia hæc fiunt) depurantur, corpusque à morbis tutum redditur, si plenius est. Arque hæc securior detrahendi ratio videtur, quod talia corpora remissione usus ciborum elevanda, & humorum copia sensim consumenda, magis quam repente præcideda atque effundenda. Nam quod sensim fine sensu ætas fecit, nec subitò frangendum, sed diuturnitate extinguendum est. Quibus tamen hæc non placet, iis evacuando mali materiem subtrahere licet. Quod autem subtrahitur, aut sub sensum cadit, aut sub sensum non cadit. Quod sub sensum cadit, abstersione, ablutione, lubricatione, alvi ductione, vomitu, sanguinis missione, cucurbitulis cute incisâ, mensium, hæmorrhoidum, fudoris, urinæ, muci, & sputi prolatione deducitur. sub sensum non cadit, evaporatione (quam Græci διαφόρησιν nominant) aufertur.

fertur. Ea frictione, balneo, fomento, & cataplasmate perficitur. Ergo cum quid eorum postulet valetudo, prout res necessitasque jubet, parata evacuandi ratio est, proque malo corporis prodest aut sanguis missus, aut alvus ducta. Si fanguis abundantior justo fuerit, aut qualitate corpus offendit, vulnere medicina quæratur, seceturque axillaris vena dextri brachii, educatur sanguinis quantum fert ætas, res, tempus, vires, cæteræque incidendæ venæ circumstantiæ. Si id casus non fert, sufficiantur cucurbitulæ cum ferro inter scapulas positæ. Sin noxii humoris affluentia est, solvatur alvus, & aptis medicamentis pro naturâ rei & personæ evocetur quod abundat, attenuato tamen eo & digesto priùs, si id res exigat. Sumitur exempli gratia, syrupi acetosi simplicis, acetositatis citri ana. Zi. decoctionis subscriptæ pondo libræ quadrans. R Seminis citri Zii florum cordialium, acetosæ ana. m. i. radicis cichorii, heptaphylli, ana.

z v. seminis carthami leviter contusi, 3 ii. Decoquantur in lib. ii, aquæ acetosæ & quadrante aceti ad tertias, coletur. Sumat manè jejunus, & sub ecenam ubi concoxerit, ad tres dies aut eo amplius pro ratione. Tum ducatur alvus aloes & ammoniaci thymiamatis ana. part. ii. myrrhæ una, cum syrupo acetoso ut inter se coëant atque coalescant: Aut catapotiis ex absinthii partibus ii. myrrhæ parte tertia, quibus etiam odores adjungo, ut crocum, cinnamomum. Aut pilulis è cinnamomo Nicolai Alexandrini: Aut Alephanginis Mesuæ (quòd ex odoribus maximâ ex parte fiunt) si utrique compositioni integræ, galangæ, zedoariæ, scordii, dictamni, acori veri, myrrhæ, & croci pares portiones (ut funt pondo 3 iii, ex fingulis) addas. Nec alienæ erunt quas vocant Communes ejusdem Nicolai Myrepfi, maximè si ex his quæ jam proposuimus, aliqua admisceas. Exhibeantur pro ratione circumstantiarum plus minus 3i. His enim nihil æquè

æquè contra gravem hanc diariamque febrem proficere nobis ratio commonstrat. Nam & humores nocentes subducunt, pro spiritibus faciunt, putredini resistunt, & vim veneni frangunt. Variare medicamentis idcirco hic, ut antè, expedit, quòd omnibus naturis & ætatibus nihil unum potest convenire. Itaque ab his ad illa transire, & ab illis ad hæc redire rurfum, & alia etiam adinvenire, nuncque enemate, nunc pharmaco leni, pretiofo, suavi, liquido, aut contrà, agere, sua cujusque personæ ratio sæpè cogit. Quibus ergo pretiosa placent, & res id postulat, convenit aliquid de manna, aut de rhabarbaro. Mannæ sextans in decocto boraginis aut scordii liquatur rhabarbarii Zii, in aquæ stillatitiæ heptaphylli, acetofæ, ana. Zi, cichorii, vini aromatici z v. singularum cum aliquo ex odoribus & aloe, seu succo rosarum idonea potione macerantur. Quòd si ad aliquot post dies alvus sponte nihil reddidit, id quod sæpius evenire solet, H 2 inutile

inutile non erit, si per interposita spatia eam partem clystere ex hiera perluas, quâ reddi ciborum onera maximè est salubre. Hujus generis infinita, cognitâ jam mali hujus medendi methodo, & sibi quisque conficere, & aliunde assumere, si liber, potest. Quamobrem hîc diutius immorari non est operæ pretium, si hoc unum admonuero, hæc sub sine Veris ineunte jam æstate, quâ plurimum solet morbus iste infestandi initium sumere, esse potiùs facienda, quòd gravia hæc tempora, quibus malum populatim jam graffatur, humores sedatos & quietos magis quam medicamentis exagitatos, corpus conclusum quam apertum, robustum quàm resolutum postulant. Quare tum neque vomitu stomachus, neque purgatione, alvus solicitanda, sed si fluat retinenda potiùs est, neque diureticis ren turbandus, quod eorum usus nullus esse debeat, abi concoquendum quid, aut naturæ permittendum sit, quodque ex his potentia, sanguinem

nem incendunt atque liquant. Neque vena incidenda, tum quòd προηγεμθρως & suâ naturâ, causa mali in nobis non est, sed extrinsecus incidit; tum quòd faciliùs admittitur contagio si vena se. cetur; nec si concepta ea est & diffusa latè, ita educitur, & præterea sanguis atque spiritus agitantur, quæ res putrefactionem non parum adauget, dum impura puris confunduntur ac permiscentur. Adhæc neque balneum ingrediendum, neque movendum nisi paululum & lentè, atque ita ut sit ambulatio antemeridiana, pomeridiana sesfio propter calores; neque exercendum, sed quiescendum tutiùs censeo. Reliquo tamen anni tempore, hæc vel maximè laudo. Ubi igitur opportuna hæc sunt, si humores impacti, & compressum corpus est, frictione, sudore, balneo, temperato ex aquâ dulci, ex herbis fundentibus chamæmeli, rorifmarini, lavendulæ, fœniculi, idque genus aliis additâ malvâ, resolvendum & fundendum est. Nam hæc cutim H 3 aftrictam

astrictam resolvunt, condensatos humores calore blando attenuant. Sed ita tamen balneum & fricatio esse debet, ut illo demum finito, suffrigida affundatur, hæc, cum ratione lenis fiat: Nam vehemens spissat, lenis mollit, multa adimit corpus, auget modica, uti ingeniosus prisci sæculi medicus Hippocrates præcepto tradidit. Ea si ad ignem fiat, ex sale, oleo aut aquâ dissoluto, atque ad lentorem conquasfato, & sudores momento elicit, & carnem cogit, id quod cum primis hîc spectandum est. Etenim non tam quid humores fundat & corpus laxet videndum est, quam quid solutum liget, & laxum stringat æstimandum. At aliud postulante re, si vomendum vome, si urina cienda cie, si movendum, quâdam varietate move, si exercendum, exerce. Exercent verò commodè, saltus, arma, pila, cursus, ambulatio, lucta, vox clara. Hæc antecedere cibum debent, sudore finiri, aut certe lassitudine, quæ tamen citra fatigationem fit,

fit, cibo non ita mox adjecto. Nimia enim exercitatione & defatigatione corpora ingravescunt & franguntur, modicâ levantur. Ex quo intelligitur neque tardam eam esse debere, more eorum qui tarditatibus utuntur in gressu mollioribus; neque concitatam nimis; ut est illa in iis qui in festinationibus suscipiunt nimias celeritates; sed moderatam, cujusmodi est eorum qui modicè, temperanter, & quietè vel se exercent vel inambulant. Huc facit & concubitus, pestiferis istis locis & tempestatibus non expetendus, quemadmodum neque æstus, quòd is corpus solvit atque fundit, firmitatem frangit, atque imbecillitatem facit, quæ omnibus morbis obnoxia est. Cætera tamen anni tempestate non improbem, si moderatior rariorque sit. Uti enim voluptates commendat rarior usus, ita vires excitat, & sanitatem confirmat moderata Venus. Cavenda immoderata tantùm est & intempestiva, etiam ea ipsâ ætate quâ maximè quadrat. Libidinofa H 4

dinosa enim & intemperans juventus effœtum tradit corpus senectuti, dese-Clioque virium ætate provectà, juventutis vitiis sæpius efficitur quam sene-Autis idem facit & intempestiva Venus. In exemplis caper est. Is quoniam immodicus libidinis, dum adhuc uberibus alitur, matrem stupro supervenit, & ideo celeriter & ante fex annos confenescit, quod immaturâ Veneris cupidine, primis pueritiæ temporibus exhaustus est. Nec alia causa est quamobrem & ii & homines in maturâ alioqui ætate, implendis fœminis minimè sunt idonei. Idcircò non est quòd quis, si per libidinem, vires, ætas, ingenium defluxêre, naturæ infirmitatem accuset, neque suam quique culpam auctores ad alia transferant. Quare pugnandum tanquam contrà morbum est, sic contrà pernitiosam libidinem. Et quamvis ipsa natura profundit in juventute suas cupiditates, ejusque ætatis quidam fervor est, qui minister libidinis esse solet, ea tamen progre-

progrediente, omnia fient etiam in dies mitiora. Hæc eò magis admoneo, quòd in hac suavitate humanitatis, quâ propè omnes delectantur homines, ea ætas versari perjucundè solet. De somno & vigilià etiam hîc habeo quædam dicere. Nam hæc ficcat ut ille humectat. Quare somnus supra id quod naturale est, vitandus est. Quòd si in utroque intemperantia subest, tutior per hæc gravia tempora in vigilia quam in somno est, modò non à cibo, sed à concoctione fiat. Per hæc fit confervatio valetudinis, defensio à morbis, iis maxime hominibus, qui ad hæc. animi perturbationes componere, concitatos motus inimicos mentis vitæque tranquillæ regere, & compositè pacateque vivere didicerunt. Nam infinita harum vis est, admiranda potentia, ut vix credas quantum, hæ sedatæ valetudinem promovent, turbatæ offendunt atque evertunt. Itaque hoc nocente tempore, exulent animo curæ, migrent tristitiæ, valeant amores, abfint

absint odia, mitte sollicitudines, contemne metus, iras comprime. In summâ, omnia consilio & judicio, non animi impetu, non perturbatione gere, ac te totum in lætitiæ hilaritatisque sinus insunde, procul à timore morbi,

procul à salutis desperatione.

Expedito jam quemadmodum sanos agere conveniat, ad ea transibo quæ ad morbum curationemque ejus pertinebunt. Ejus causas, signa, atque effectus antea dixi. Eam ob rem non est cur cætera repetendo hic longum faciam, modò causas mali, quæ ad curationem maximè faciunt animo diligenter repetam atque versem. Nam causæ æstimatio morbum solvit, caufæque cognitio, cognitionem eventorum facit. Neque enim cujus causæ certa notitia non est, ejus opinio certum reperire remedium, aut prævidere eventum potest. Quemadmodum enim domus, navigii, hocque genus aliorum fundamenta firmissima esse oportet, ita negotiorum etiam atque actionum medicinalium

dicinalium principia & causas, certas, cognitas & perspectas esse expedit. Causam verò efficientem hujus pestilentis Ephemeræ, ex vapore venenum esse, antè retuli. Ergo educendum id este, indicatio est. Sed quâ vià atque ratione, ex natura petendum est: Etenim quâ maxime fert natura, ea educendum docet medicina; fert autem maxime follicitando sudorem; qui si non sequitur, nihil spei superest; si sequitur, sanitas quoque prospicitur. Sudorem igitur promovere, hujus medicinæ meta atque scopus est, huc omnia referenda. Per sudorem enim ad integritatem venitur. At cum duplici ratione sudor profluit, natura atque opera; natura, si satis valens robustaque nec impedita ca est; opera, si laborat, si impedita est, duplici ratione medendi officium nobis incumbit, ut naturæ scilicet omni obsequio dextrè subserviamus valenti, & eidem subsidium opemque feramus laboranti. Dicam primò quemadmodum ægri habendi

bendi funt, si naturâ manat sudor, tum si operâ. Si naturâ fluit sudor, proxima est necessaria patientia, tum naturæ locum dare, conatus ejus non impedire, vires non frangere, eam motu non defatigare, eodem momento decumbere, vestes, nisi commodè possunt eximi, non deponere, alias, sed modo, si opus est, accersere, abstinere, quocunque modo naturæ quietique sese dedere, de se bonam spem concipere, eamque brevi ratam fore sibi persuadere, animo valere. Nam multum valet animus in re malâ bonus. Atque hæc quidem si indutus est: Si in lecto nudus, non furgere, non membra jactare, se continere, præter faciem nihil aperire, & cætera ex iis quæ jam præcepi, & nudo cum induto communia esse possunt, facere. Si eodem leto duos corripuit morbus, ne surgant, neve cubilia mutent moneo, etsi id suo fiat incommodo. Ad quod vitandum, consultius est per gravia hæc tempora, ut suum quisque habeat lectum. Ministri sint vel ex necessariis aliqui, vel ex aliis ii, quos fide, sedulitate, dexteritate, & benevolentia nobis usui esse posse cognoscimus. Hi multi non sunto, sed quot res postulat, quòd astantium multitudine domus æstuare sæpe solet, & eorum gestus, aspectus, verba, actus ægrotanti sæpe molestiæ funt & desperationi. His officium est, ægros, si impetu ferantur, suavitate verborum demulcere, animos delinire, si membra jactant, ut quieti se componant jubere, ne se totos denudent, néve pedem aut manum aperto aëri exponant imperare, nimio ramen officio non offendere, si quid desiderant, ministrare. At quo tempore ex casu, quo confilio, ex tempore discere, eò quòd sua cuique accessionis parti tempestivitas est data, etiamsi tempus curationis in angusto positum est. Verba vultumque ad hilaritatem per omne tempus componere, ne ex his ægri intelligant, ob quod de se desperent, nusquam vel latum pedem quoad accellio accessio ad extremum perducta sit, discedere, nunquam ante 24 horas ægrum relinquere. Nam curiofa hæc diligentia multis saluti suit, uti contrà, negligens incuria multis exitio. Sudandi ministrandique tempus ideo horis 24 definio, quod hæc ratio fœlicis tutæque curationis atque ministrationis esse solet. Nam etsi hora decimaquinta, exacto jam morbi impetu, aliis quibus malum grave non est, liberalius agere licebit, quædam tamen periculosa multis per has & insequentes horas incidere consueverunt, dum nimià securitatis confidentia morbum aut neglexerunt, aut contempserunt. Per hæc dum sudor sponte profluit, abstinentia esto à cibo ad horas 24, à potione ad horas quinque quam minimum, si per utriusque necessitatem id fieri potest, non quò ægri vires convellas, sed quòd facilius corrumpitur quod ægro corpori infertur, quódque natura, cùm jam de victorià decernit, sumptà potione atque cibo impeditur, nisi

nisi si virium gratia, Christi quam vocant manum, ex margaritis & odoribus confectam exhibere placeat. Periclitante tamen ex abstinentia ægro, aut imbecilliore facto quam ut abstinentiam ferat (quod tantillo tempore non solet incidere, potest tamen) potius erit quod tutius, etiam ante has, ut in his ipsis horis pro diversitate rei & personæ, sed moderatiùs tamen. Eandem observationem septima, nona, undecima, & decimaquarta hora postulant, quòd septima gravius incrementum mali habet, nona delirium continet (maxima ex parte aio, semper nego) undecima, decimaquarta, & interpositum tempus morbi impetum sustinent. De cætero salva omnia atque tuta, nisi temeritas aut negligentia oberint. Ita in quiete & abstinentia habitis ægris, quinta hora potionem etiam liberalem postulat; sed nec sæpe, nec semper, nec nimium, aliis Alæ aut Beræ, aut alterius cervisiæ, cui detracta spuma est, saccharo condulcatæ, si confuerudo

fuetudo fert, aut aquæ hordeaceæ & vini tenuioris atque lenis pari modo aliis; aut aquæ mulsæ, aquæve solæ decoctæ vino tinctæ: Sed omnia bene calentia, sed potestatis omnis reprimentis atque refrigerantis expertia, quòd hæc sudoribus eliciendis adversa, illa fecunda funt. Generosum vinum, merum, & minimè dilutum, nullo modo potûs gratiâ, medicinæ tamen, ut dicemus postea, concedendum. Nam illud ignorari non oportet, quòd calfacto jam corpore, atque agitatis humoribus & spiritibus, vapores facilè caput petunt, ac delirium inferunt, quod cum huic morbo familiare sit & cum periculo junctum, vino auctum, certius malum inferet, & eò magis quò nobilius membrum cerebrum est, ægrique per sudores & infaniam minùs audientes medico funt. Sumatur potus ex poculo oris angusti, sed fundi capacis atque ampli, adunco rostro seu siphone liquorem proferente, ne aut levare se ægri dum bibunt, cogantur, atque

atque ita inimicum aërem intromittere, aut præceps copia potûs naturam vel gravet vel opprimat. Ita habendi ægri si sponte naturæ sudor profluit. At si non nisi operâ id perficitur, prima observatio est, quid id sit quod sudorem impedit, ægrine impatientia, an naturæ infirmitas, astricta cutis, an humor compactus. Etenim istis quatuor modis omne impedimentum comprehenditur. Inter quas cohibiti sudoris causas quemadmodum discernas cum medendum sir, ita docebo. Incipiam ab impatientià. Ea ex inquiete jactationeque ægri nullo negotio sub asspectum cadit. Quare revocandus ad ordinem patientiamque æger est quibus antè dixi modis, si non sponte suâ, at certè vi aliena, quanta maximè tamen fieri potest blanditie, hortationumque ad rectam rationem & quietem dulcedine. Verum si natura insirma est, scire licet id fieri, vel quòd ex se debilis ea est, vel quòd ex altero gravante prementeque infirma est. Ex se debilis natura est, cum nativus calor diminuitur, & vires fractæ resolutæque sunt: Primò, vel quòd evacuantur substantiæ spirituum, vel quòd ea ipsa dissipantur, consumuntur, & evacuantur, quæ subjecta sunt spirituum, ut humores, carnes solidæque partes: idque ex causis aut extrinsecis, ut acre calido, cibo potioneque calidis, motu concitato & continuo, protractisque vigiliis: aut intrinsecis, ut perturbatione animi, temperamento calido, ardente febre, trahente morbo, gravi dolore, larga fluxione, immodico sudore, copioso vomitu, intemperantiori Venere, aut liberaliori evaporatione, quam Græci homines διαφόρησιν nominant. Secundò, vel quòd aufertur deficitve alimentum, idque aut internum, ut sanguis, aut externum, ut cibus, potio: vel quòd hæc aërque quibus antè retuli rationibus depravantur ac corrumpuntur, aut qualitate noxia funt : Tunc enim corpus non alitur. Itaque necessariò calor innatus minuitur, vires solvuntur,

vuntur, corpus adimitur. Ex altero natura premitur, cum vel qualitate adversa atque opposita suffocatur, eaque aut manifesta, ut frigore: aut occulta, ut veneno, halituve venenato, qualem antea retuli ex specu Puteolana: vel humoris copià, sive is sanguis sit, ut in athletis, sive pituità, aut alius humor, ut in voracibus & desidiosis. Ergo qui hâc febre pestilenti laborat, corporene firmo, quadrato, & viribus constante sit, an languido, exili & resoluto, æstimandum est. Si firmo (firmo autem naturà corpore & bene curato, ætateque firmà atque integrà omnes ferè esse, qui hac febre diaria & pestilente tentabantur, antè proposui) certum est per naturæ resolutæ impotentiam & languorem non stare quo minus sudor profluat. Necesse igitur est compressi corporis ratione, idque vel quòd cutis spiramenta conclusa sunt, vel quòd humor crassus atque copiosus sibi viam obstruit, μύσιν primum, alterum σέγνωgir Græci vocant. Sed utra ex his

offensæ causa est, internosces facilè, si expenderis diligenter num æger per anteactam vitam gulæ ventrique deditus homo est, an vivendi sobrietati, otio an exercitio, balneis assueverit atque frictioni, an fecus. Nam si homo gulosus est, si vivendi instituto otioso, magna significatio fit naturam plenitudine gravari. Si exercitationi, balneo & frictioni in superiori vità non assueverit, meatus cutis constringi, aut humorum crassitudine atque copià obturari, aut utrumque esse argumentum est. Hæc enim omnia in eodem aliquando conjunctæ, aliquando separatæ cohibiti sudoris causæ sunt. Sed si valetudinarium corpus est & resolutum, morbo cæterisve causis & intrinsecis & extrinsecis antè comprehensis exhaustum, ex ipså natura infirmitatem esse certò constat. Cum tamen incidere solet, ut qui ægritudine aliquâ laborârunt refolutique sunt non insudent, expende profluxitne multum sudoris quo tempore ægrotârunt, an incitatus ille nihil promanavit.

manavit. Si per ægritudinem neque insudârunt, neque si incitatus est profluxit sudor, & humoris crassitudo, & cutis constipatio non incerto indicio deprehenditur. Itaque pro re natà singulis causis obviandum est: Si cutis astricta & humor impactus, iis rebus quæ fundendi potestatem habent; si natura ex se insirma, iis quæ sudorem provocant; illud percommodè fit leni frictione, & calida atque ad hoc accommodată potione; hoc calidâ potione solà. Cavendum tamen est, ne aut potus aut frictio (nisi opus est) adhibeatur, quòd alioquin hæc vires diffipat, & spiritibus liberum exitum facit: illa naturam occupatam aliò jam avocat atque impedit. Quare postulante re, compresso corpori offerendum linteamen calidum, jubendumque se totum leniter eo perfricari, &, ne vestibus interim sublatis aërem admittat, omni studio cavere. Nam fricatio hæc modicè calfacit, vitale robur excitat, humorem solvit, & spiramenta cutis re-

laxat. Ita si insudet æger, ab aliis ad? jumentis abstinendum. Sin minus rectè exhibebitur potio vini firmioris (hoc est nec nullarum virium nec ingentium) & calentis, iis maxime qui per initia leve frigus sentiunt (aliis ad delirium obest) quòd id, ut si quid aliud, sudorem blande promovet, dum crassum humorem fundit, crudum concoquit, & conclusos cutis meatus recludit. Si id ex se non proficir, ex eodem vino calente optima theriaca, aut selectum mithridatium frigidiusculis & cute conclusis; sed calidis & cute laxis, ex aceto prodest. Aut quod anisum, cyminum, & calamintham incocta habet vinum. Idem etiam præstat ex vino mulso vis decocti dictamni, rosmarini, & chamædryos pota. Aut ex sero quod lacte, dum fervet, bubulo secrevit acetum, petroselini, sceniculi, origani, salviæ, macerisque incoctæ potestas, si quantum calidissimum potest sumitur. Sed qui pedibus ægri funt, quibus hydrops, rheumatismus, aliave pituita molesta

molesta est, si in hunc morbum incidunt, ex ligno Indico (perfusis semper odoribus) potentior portio bene calens egregiè facit, uti etiam aliis si ad manum est, quòd id lignum cum resinosum est, adversus contagionem valet: cum subtilissimis partibus calidis & siccis constat, humiditatem excremenritiam, si multa est, siccandi, si crassa & frigida, fundendi, & per cutis spiramenta si astricta ea est, digerendi potestatem habet, uti & cætera quæ jam proposuimus. His item Ephemericis inutilis non est usus radicis Sinarum, nomen habentis ex ejus nominis regione extremi Orientis ultimæque Indiæ, unde ad nos transfertur; quòd ca etiam putredini adversatur, ægregiè ficcat, & fudorem movet. Si hacc non funt, ex usu erit personatiæ radix ad fudores educendos, si unà cum junco odorato, macere, & calamo aromatico decoquatur. Nos sub ipsis morbi mitiis, cum non tam fudoris movendi, quam etiam veneni frangendi atque evocandi I 4

evocandi rationem habuimus, quæ utrumque efficiunt commiscuimus, ne si ex occasione sudor interrumperetur, venenum quod superest de cætero ægrum offenderet. Verum si sponte manârit sudor, quod venenum tantum retunderet sæliciter exhibuimus, ut ex cyatho uno aquæ oxalidis & dimidiato cyatho aceti rofacei egelidi, terræ sigillatæ Dii. ramenti cornu unicorni animalis, pulveris dictamni ana. 9 i. cinnami galangæ, nardi, ana. 9 i. Aut ex aceto calido vel bolus armenius, vel terra sigillata seorsum cum odoribus. His atque id genus aliis usi sumus, sed pro ratione personarum. Nam si laxa cutis, nec obstructa ejus spiramenta erant, frigida & sicca selegimus. Si constricta illa, aut obstructa ista fuerant, calida & ficca maluimus, & meliùs responderunt. Naturæ ex se infirmæ subsidio erit vinum meracum calens, aut id ex decoctis macere, rofmarino herba, aut cypero (quem juncum quadratum Celsus, triangulum Plinius,

Plinius, odoratum alii nominant) liberaliter haustum. Si prima potio sudorem non elicit, iterum atque tertiò ex intervallo repetatur, auctis aliquanto tegumentis, atque foco, aut ex puris ficcisque lignis quercûs, fagi atque fraxini, adjecto bdellio odorati suffitus gratià, ladano, aut styrace calamità; aut ex odoris lauri, juniperi, abietis atque pinûs seorsum. Vix enim sieri potest, ut per hæc sudor non sequatur. Profluente jam sudore, à potionibus sudorem moventibus atq; à frictionibus abstinendum, & ad eum ordinem potionemq; per omnem accessionem, quæ ante cum sponte naturæ fluxit sudor proposueram revertendum; cum eo tamen ne potio rara aut frequens, tarda nimiùm aut immodica sit. Sed & vincente jam sudore & naturâ, ubi copiosè sudârit æger, memores nos esse oportet socum diminuere, & tegumentorum augmentum paulatim pro ratione subducere, ubi jam languere corpus coeperit, si id ante undecimam horam fiet. Etenim decima-

decimaquartà jam exactà hora, etiam de justa veste demere licet. Decimaoctava, si levi tantum veste contectus æger sit, satis est, modò pro temporis ratione ante abunde sudatum est, atque adhuc sudat. Sed si viribus satis constat, quantus plenissimus & longissimus potest, promaner sudor antequam vestem demas. Ita ramen ne immodico fudore digeratur corpus, atque exhauriatur anima. Cujus rei semper habenda ratio est in infirmis corporibus & digestis spiritibus vel maxime, uti etiam in aliis firmioribus. Neque enim sudoris copià tantum, quantum vires æstimandæ funt. Proinde committendum non est, ut supra vires æger insudet, quod potior est dubia curatio atque salus, quam certa mors. Quòd si forte (ut sit plerunque) corpus jam languere, arque animus ex brevi temporis intervallo deficere ægro videbuntur, antevenire malum futurum par est levi veste sed æqua contegendo, odoris floribus atque herbis lectum respergendo.

do, rosam cæterumque aroma naribus applicando, loco non æstuante, fenestris patentibus (si quis æstus sit) sic ut perflatus aliquis accedat (quò aëris calorem leve frigus temperet) fed non australis. Nam per hæc gravia tempora austri specularibus arcendi, clausis iis fenestris arque ostiis, quæ ad meridiem spectant, ut & antea retuli, & M. Varronis exemplo in belli Corcyrensis peste commonstratum est; ut dextro lateri incumbat, incurvato leniter corpore, ne partes laborent, jube-Ita enim nativus calor spiritusque tanquam in κοιλία (ut est apud Aristotelem) colliguntur, ne se dissundant, fed intrò ad præcipuas partes recedant, coguntur: multo sanè magis quam resupinato & extento decubitu, in quo nullus ferè locus relinquitur nativo calori & spiritibus continendis. Ut non addam in illa recurvata corporis positurà membra ægri ita esse composita, ut omnis omnium contentio remittatur, ipsaque otio jam quiescant. Quo fit.

fit, ut cum cæteris partibus minor est caloris atque spiritus necessitas, major corum copia partibus interioribus & jam laborantibus, revocante necessitate, ad reficiendas vires concedatur. Præterea ex aceto & rosa, vel ex odoro vino sudarium naribus admoveto, sic ut eas non contingat, ne refrigerando sudorem prohibeat, ut saltem tardet. Quæ observatio perpetua esse debet & per omne tempus, & per totum accessionis spatium, quod frigida reprimunt, atque naturæ (cujus motus semper sequendus est) calore agenti venenum adversa sunt. Si caput non est integrum, si mens non constat sed labat, si est inanis profluentia loquendi, alienum non est naribus æstuantis admovere quod veneni impetum & vaporem à capite arceat, id est, rosam & acetum. Si intra verba desipit, nec impetu peccat, nil nisi continendus æger est, cum plerumque breve id esse consuevit, levatoque accessionis impetu protinus mens redit. Si somnus urget, esto à somno absti-

abstinentia, quòd per somnum veneni impetus ad interiora cum periculo fertur, cum jam prodire ad salutem hominis expediret. Itaque nomine compellandus homo est, clara voce, suavi verbere, leni vellicatione excitandus, neque concedendus fomnus est, usque dum adempta est omnis dormiendi & necessitas & cupiditas: nisi præsenti medico perito atque docto, ex venæ salientis contactu, & circumstantiarum observatione tutò ægrum dormire posse visum fuerit. Nam parum peritus homo, non nisi laborantis vitæ dispendio, ægrotantis cupiditati nulla ratione facile subscripserit, etiam in ipso accessionis impetu atque statu. Quæ accessio usque eò producitur, quoad materia ad inflammationem apta superest, ex totoque soluta est. Uti enim potens vinum tantisper incenditur, dum omnem vim vitis flamma deposuit, solà aquà relictà purà & insipidà, quam vitis ex solo traxit, ita corpus tantisper ardet & insudat, dum apta ad

id materia est, tandemque cessat, cum quicquid est corruptæ materiæ spiritibus mistæ, quod flammæ fomentum esse potuit, absumptum est, spiritibus relictis puris ad eum modum quo antè fuere, quàm ii corrupti & infecti sunt. Quòd si quis per ipsa morbi initia aut incrementa deprehensus est dormisse, evasisse tamen, hoc soelici culpæ adscribendum potius quam tuto consilio, levitati causæ quam certæ prudentiæ, fortunæ quàm judicio. Nec si unus aut alter fortunæ arbitrium expertus convaluit, ut omnes fortunam experiantur consulo, cum ca minime certa securaque salutis norma, minimè tuta fœlixque curationis ratio est. Quocirca non qui tantum habet opinionem medicinæ, non quemvis unum è populo, sed æstimatorem doctum & intelligentem postulo. Ubi enim ignorantia præest, sanitatis leve præsidium est. Per hæc si consequi possumus ut & sudor feratur, & si immodicus est impetus ejus minuatur, & vita, si animus

mus deficit, prorogetur, incipit jam tempus ipsum esse præsidio, & res in tuto. Verum si per impatientiam steterit quò minus æger ad plenum sudarit, aut abruptus sudor sit, ex veneno quod superest periculum est vel præsens vel ex intervallo, aut saltem iterandi sudoris necessitas secundò atque tertiò, aut eò ampliùs, cum præsertim quidam etiam cum duodecies sudârunt (id quod non rarò incidit) vix tandem ad integritatem pervenerunt. Si abunde sudarum est, ex levitate atque alacritate corporis, ex omnium partium mediocri modo, ex continuo ad diem integrum sudore, ex eodem omni ex parte manante, & toto corpore æquabiliter fuso, ex constantia virium, & ex facili tolerantia scire licet. Hi enim justi & salutares sunt. Nocentes verò & diminuti, qui parcè, qui certis locis & temporibus, qui inæqualiter & intercise, qui viribus collabentibus, & corpore ægrè gravitérque ferente proveniunt. Quibus accedunt etiam alia

duo diminuti sudoris indicia, tumor cum livore, & sub cute punctio multa instar pungentium acuum, utì ægri rcferunt. Quos hæc sequuntur, eos quibus antè dixi rationibus ad sudorem revocare consultissimum est, atque ita habere, donec id quod reliquum est educitur, & corpus leve atque alacre redditur. Nam ex interciso nec satis affluente sudore, multos statim aut febris excepit, aut alius morbus qui nec brevis nec solutu facilis erat. Si intersudores alvus sponte solvitur, tutius est subductà triplicatà sindone necessitati naturæ inservire, quam ægrum loco movere: quod etiam in quâvis aliâ necessitate sequendum centeo. Etenim de loco in locum, nisi ejusdem lecti, & eum non nisi calidum, sudantem adhuc movere, periculosum esse folet. Declinante jam morbo, nisi necesse est, ad cibum festinare non oportet, antequam accessio ex toto soluta est, sed ea contentum esse quemque confectione, quæ manus Christi dicitur,

Christi dicitur, & margaritis odoribusq; præparatur. Si verendum tamen est ne interim deficiat æger, tum deficientem animam fucco mali punici dulcis fulcire, & imbecillitati jacentis cibo vinoque succurrere, vino nec potente nec debili, sed meraco, fulvo, & aromatico, aut ex hoc intritis. Cibo, leviori sed parco, ut est ex ovo sorbitio, ex carne jus, ex capone expressus aut colatus fuccus, aut pista caro, quòd hæc nutriunt & non onerant. Exactâ jam accessione, cibus validior atque firmior alienus non erit firmis hominibus & viribus integris. Languentem enim stomachum & ex febre resolutum, liberalior cibus atque firmior non parùm offendit. Itaque à levioribus ad validiora per incrementa deducendus æger est, & ad consuetos cibos atque condimenta suprà comprehensa paulatim revocandus. Super hæc folandæ vires funt suavi odore mali aurei, limonis, pyri, aut pomi odorati, quo languens Aristoteles usus est, si libro de pomo credendum

credendum est: aut panis recentis atq; adhuc calidi, quo vitam migrantem jam prorogavit Democritus, si Laërtio fides adhibenda: aut codem ex vino aromatico aspersa mentha; Carnium item assarum nidore, & odoramenti, cujus antè compositionem exposui, cum de præservatione egi, grato odore. Etenim nihil æque vires reficit aut spiritus recreat, nihil contra ingratam illam & tristem mali speciem (quam anima semper refugit, ut sentinam) quò se anima colligat & soletur æquè facit, atque odoris gratia, utì in primo nostro libello de medendi methodo diximus, ubi abunde de reficiendis viribus methodo proposuimus. In exemplis sunt Scotus quidam, qui per nostra tempora oberrabat in Italia & Britannia, & mulier quædam Britanna: qui sub custode perpetuo, hæc Henrici octavi regis Britanniæ, ille magnatum quorundam in Italia & Britannia mandato vixerant, hæc ad annum integrum, ille ad menses aliquot fine

fine cibo potuque, soloque odore. Quod certè insuetum, mirum tamen cuiquam videri non debet, quum præsertim qui Gangis fontem accolunt, solis odoribus vivunt. Nullius enim ad escam opis indigent; odore vivunt pomorum sylvestrium, longiusque pergentes, eadem illa in præsidio gerunt, ut olfactu alantur; quòd si tetriorem spiritum fortè traxerint, exanimari eos certum est. Itaque refocillatis jam spiritibus si opus est, superest se vestibus æger aut exuat si indutus est, atque lectum petat tepidum ad horam unam atque alteram, si id aut ferat aut expetat; ut molli plumâ & æquabili, simplici nec convolutà ut antea veste, se corpusque labore fessum colligat atque recreet, more eorum qui balneo sudârunt: aut induat, si posità prius veste nudus est, sed siccato ante utrisque corpore (huic præsertim calido linteamine curiosius sub regumentis) quam de lecto surgant. Quod etiam per reliquam accessionem concedere licer, K 2 quòd

quod munditie natura delectatur, sudor promovetur, & æger solatur; hac observatione tamen, ut ne aër per imprudentiam nec opinantibus irrumpat, & sudorem sluentem in exitu strangulet, atque ægrum. Ubi jam surrexerit qui insudarit, statim in apertum aërem eum prodire tutum non est. Nam exhauftum & rarum corpus, languentes spiritus, & fractas vires, si subitus, frigidus & infuetus aër excipiat, impendio naturam cogit, & liberaliori quam par est alvi fluxione vitam fæpe finit. Id quod anno hoc quinquagesimo & altero ultra mille & quingentos quo hæc scripsimus, bene multis apud nos evenisse usu compertum est. Quamobrem ne se aperto aëri committat æger ante secundum aut tertium diem, moneo, neque ei nisi sereno & tranquillo.

Hic ordo fœlicis curationis hujus pestilentis Ephemeræ, hæc observatio est. Quem præcessit quemadmodum sanos agere conveniat, ut se à malo tueatur: quid id sit & appelletur: ex quibus

quibus causis oriatur, & quibus temporibus: quibus inditiis deprehendi potest, & quibus modis molestum est: quas personas magis premit, & quibus rationibus.

JOAN. CAII de Ephemera Britannica libri finis.



constant the same care surmer 171.100

Catalogus Librorum prostantium apud

GUL. & JOH. INNYS.

DE morbis acutis Infantum, cui accessit Liber Observationes de morbis aliquot gravioribus medicas complectens. Editio tertia. Per Gualt.

Harris, M.D. 8vo. 1720.

Emmenologia: in qua Fluxus Muliebris menstrui Phænomena, Periodi, Vitia, cum medendi Methodo, ad rationes mechanicas exiguntur. Authore Joh. Freind, M. D. Coll. Med. Lond. & Soc. Reg. Soc. Editio tertia. 8vo. 1720.

Joh. Freind de Purgantibus, in secunda Variolarum confluentium Febre adhibendis, Epistola. 8vo.

Hippocratis de Morbis Popularibus, Liber primus & tertius; his accommodavit novem de Febribus Commentarios Joh. Freind, M. D. &c. 8vo. 1717.

De curandis Febribus continuis Liber, in quatuor divisus Sectiones: Quarum singula singlorum morbi temporum, quæ totidem quoque sunt numero, remedia continent. Authore Jodico Lomnio. 8vo.

Pharmacopæia Bateana, in Libros duos digesta: Primo Compositiones Galenicæ, altero Processus Chymici, ordine alphabetico exarantur. Viribus dosibusque illustrantur; atque Catalogis & Indicibus accommodantur. Gurâ & operâ Tho. Fuller, M. D. Cantab. 12^{mo}. 1719.

Tentamina Medico-Physica, ad quasdam Quæstiones, quæ O Economiam Animalem spectant accommodata, quibus accessit Medicina Statica Britannica. Authore Jacobo Keill, M. D. 8vo. 1718.

Synopsis Medicinæ Universæ Practicæ: sive doctissimorum Virorum de Morbis eorumque Causis ac Remediis Judicia. Praxi & Observationibus confirmata & nonnihil aucta. Authore J. Allen, M.D. 8vo.

Leonardi Plukenetii, M. D. Opera Omnia Botanica, in sex Tomos Divisa, viz. I, II, III. Phytographia. IV. Almagestum Botanicum. V. Almagesti Botanici Mantissa. VI. Amaltheum Botanicum. In quibus, Stirpes illustriores minus cognitæ, Exoticæ, rarioresque novissime detectæ ad plures Chiliadas describuntur, tum Iconibus Tabulis Æneis CCCCLIV. summa cura depictis sigurantur. 1720.







